



上海图书馆藏书



A541 212 0013 4670B



375

行軍指要卷三

金楷理

英國哈密撰

新陽趙元益筆述

兩國之軍面與其糧道有關係

先知移兵之法

第一節

擇交戰之處在乎移兵之有法

求交鋒之利在乎操練之

能精一切勝仗皆恃平日之操練

若徒講移兵之法而兵

丁操練未精則移兵之法歸於無用

移兵之法妙處為運動

之未善。若相遇之時，一軍便利，一軍遲鈍，或一軍移動之時，令敵軍無奈何，從一處退回，以免其難，此爲移兵之妙處。大約從移兵之法，所得之益有二：可得勝仗一也，得勝之後，事事便利二也。設有兩軍，其各分軍之間，往來之路皆好，或一軍聚合一處能交戰，一軍渙散而各分軍前後皆敗，或不能預定某軍可勝，某軍必敗，惟善於移兵者，雖敗而禍小也。前卷言法奧兩國在墨林哥交戰之事，此時奧兵多於法兵，大約可勝。然法軍雖敗，其移兵之法甚妙，可轉敗爲功。奧軍可勝而不可敗，敗則有滅亡之禍也。凡兩軍初時強弱相等，有移兵之法者，能移兵至可獲勝仗。



處又有既勝之後卽破其都城者必得移兵最妙之法者也

以下各節論移兵之事其主意有三令敵軍懼我斷其後路或竟斷其後路一也斷敵各分軍相連之路令其軍不能協力來攻二也我軍在何處可以聚會各軍而多於敵兵三也無論用何主意必須守本軍運糧之道故第一主意爲移兵之要着也

凡交戰處或有河山或有險阻此乃分隔之處與移兵之法有相關故此書論此事別爲一卷各國戰事常遇阻當軍行各物必先詳論及之余懼學者爲此事混淆故先論

移兵之法。學者不明軍面與糧道如何。或不明各分軍相連之路如何。卽不知此阻當軍行之物。或爲便利。或爲艱險。故先論移兵之法。後論阻當軍行之物。此二事已明。移兵之事。思過半矣。

交鋒之事。在移兵之事之後。且交鋒之事。祇於一小處移動兵丁。故先論移兵之事。後論交鋒之事。

學習移兵之法者。必先知兩軍相敵。初時進兵之勢如何。然後考究兩軍之軍面如何。相連之道路如何。兩國將軍之主意如何。並辦事之法如何。此書所言卽是此意。初不論將軍辦事之合法與否。令學者自考之。已明將軍辦事



之合法與否可觀以後之評論而證之此書移兵之理法皆詳細講明余見他人論用兵之書講明某將軍交戰不從一定之法或論將軍何時交戰用一定之法何時不用一定之法余以爲不然用兵之事有兵敗而辦事未誤者事萬變而法亦萬變也

軍面與運糧之道平行 第二節


觀第一卷之第四節論法奧兩國在蘇傳以諾進兵之事卽知兩軍之軍面平行且兩軍之面彼此護其運糧之道若法軍敗於此處卽可從來路退回奧軍不能斷其道奧軍敗於此處亦從來路退回過民起河此一役也未表明

行軍抄要三  
三  
移兵之事十餘日之前法奧兩軍在馬經脫交鋒奧軍敗焉若不因乎移兵之事奧軍大約可恃操練之精而得勝所以講明移兵之益處不可借兩軍面與糧道成正角之軍以發明也

凡運糧之道在軍面之後爲最妙英法兩國由哥力米亞攻俄羅斯在措末書海灣設後路糧臺從此處作一路通至法營之背如此則路旁各處設軍料局而各軍皆與軍料局相近若法軍改軍面而向右旋與運糧之道成正角則中軍與軍料局尙近左右兩軍離軍料局稍遠運送軍料更覺費事由此可知軍面與其糧道平行雖便利而不



能穩安也



茲以一千八百四十九年奴罷刺交戰之事解明上理是時薩爾的尼國王卡里阿而白脫攻伐奧人奧將軍拉德

此起交戰之事在提起那并賽西耶兩河之間余用此役  
解明移兵之理因此兩河間無阻禦之物以礙軍行兩河  
之間尚有兩小河東邊者名得而記比阿河西邊者名倭  
根耶河此兩河甚小不可謂阻禦軍行之處也

奴罷刺之役

觀第十  
二圖

在一千八百四十九年是時兩軍在

提起那河邊相遇河濶七十碼三尺為一碼水流迅疾河水甚

深兵不得渡三月十二日薩爾的尼人告於奧人云戰事  
暫停至三月二十日為止此時薩爾的尼分軍為六另有  
兵兩羣其王未能諳練軍事故令波蘭國人查而諾司起  
為主帥初時至法國請四將軍皆不願往法國部中之人



保舉波蘭人此人於一千八百二十九年俄羅斯攻土爾其時曾歷戎行一千八百三十一年波蘭國亂時曾掌兵權其所用之六軍開列於左

第一分軍多蘭特將之在未思波拉特肥幾滑納之間

第二分軍白思將之在吃蘭奴開薩而奴罷之間

第三分軍潑羅納將之在羅民提拿加里阿脫之間

第四分軍熱那亞公將之在脫力措突不發羅而阿之

間不發羅而阿至罷  
味亞二十八里

第五分軍拉麻里拿將之在措罷城

接應之分軍薩罷挨公將之在馬太拉路上近於奴罷

刺城

另有兩羣兵一近於皮挨稱薩以彼而菲特勒為羣長護波河之南岸以防奧兵一在薩爾的尼以蘇拉羅里為羣長軍面之左近活力起何此移兵之事皆在波河之北岸故不論彼而菲特勒波河南岸之一羣薩爾的尼兵在提起那河邊共有六萬五千人礮一百四十尊

薩國之後路糧臺在都靈

都城名

其大軍料局在阿立山馱

耶從薩國軍面通至都靈其路由肥幾滑納至馬太拉至

指薩勒

馬太拉至指薩勒十八里

又有一路由脫力指突至奴罷刺至

浮吃力

奴罷刺至浮吃力十四里

通至都靈第五分軍有通至馬太拉



之路即可得後路之軍料。或從波河之南，由措薩鐵思買而通至阿立山馱耶。

都靈與阿立山馱耶爲薩國之總後路。其軍料局在浮吃力與措薩勒。此兩處有賽西耶河護之。奧軍不能過。又有次等軍料局一在奴罷刺，一在馬太拉。此兩處所有之軍料大半採辦於本處。

茲講明奧國之軍面與運糧之道。並後路糧臺。觀第五圖奧將

軍拉德。此起於一千八百四十九年。在墨林哥交戰之時。已爲營官。其軍在提起那河之東。右軍在吐而必果。左軍在罷味亞。後路糧臺設於民起與阿弟恥兩河邊四城之

內奧軍運糧之道爲米蘭羅地羅乃吐倍頓起亞而之路。又有罷味亞羅地羅乃吐倍頓起亞而之路。又有罷味亞比積克吐納額摩拿曼士亞之路。又有一大路自米蘭過潑勒西耶而至倍頓起亞而。但此處居民與奧人不睦。故不用之。此後十年。法人敗奧人於馬經脫。奧軍退回亦不用此路。

奧國之大軍料局設於克立瑪比積克吐納額摩拿三處。左軍設次軍料局於罷味亞。右軍設次軍料局於米蘭。賽西耶與提起那兩河之間。農家開小溪以灌田。種桑之處甚多。葡萄藤附於其上。人馬不能過。此處稻田泥軟而

深馬軍難於交戰一切移兵之事皆由大路而行路旁溪水甚深過稻田處有路甚高兩傍俱屬低窪

薩國將軍之主意欲前往米蘭令其百姓作亂已至米蘭奧兵仍向後路退回其事與前年同奧軍已至阿達河卽停兵待戰必在羅地交鋒又有多人商議以爲奧軍退回過民起河

又欲令左翼蘇拉羅里之一羣在可摸與發來思山麓攻奧國之右軍第五分軍在指罷令其取罷味亞對面提起那河中之洲已取此洲卽攻罷味亞城其餘五分軍進攻米蘭

設奧軍用防法而不用攻法則依上所言之主意辦事如  
奧軍用攻法則又定一主意若奧軍從米蘭進攻奴罷刺  
則遇薩國之全軍若奧軍從罷味亞過提起那河則第五  
分軍由措罷退回至聖捺操羅或退至馬太拉依奧軍之  
攻法而定此軍必阻禦奧軍而緩退則主帥之軍可於提  
起那河之右岸接應第五分軍而攻奧人因波河與提起  
那河相連處稻田極低奧軍渡河不能速可乘半渡而擊  
之

奧將軍拉德此起知本軍操練甚精當用攻法共有五軍  
兵七萬人礮一百八十尊已聚會全軍於罷味亞與羅地



之間地名聖安球羅。又屯兵四千於米蘭城內。告於諸將曰：進攻都靈而破之。另派數軍守提起那河過渡處。但未明言在某處防守。提起那河過渡處有七水。司特克林特活力起何吐而必果。聖瑪地諾肥幾滑納別立加而馱罷。味亞拉德此起之主意。令軍之太半由罷味亞過河。其餘守渡之軍循河向南行。由別立加而馱過河。各軍過河之後。前攻馬太拉。因此爲各路相交之處。旣得馬太拉。相機而行。或攻敵軍。或攻其都城。

由上說可知兩國皆用攻法。其軍皆在大路。可通至都靈。三月二十日軍事。罷味亞城外有大橋。可過提起那河。

午刻奧軍又在橋南以船作兩浮橋而過河拉麻里拿本聽元帥之令在此處防守因先一日探聽奧軍自北向南欲過波河而攻阿立山馱耶在罷味亞過河之兵乃故作聲勢以誤敵拉麻里拿頗信此說因留三營屯提起那河邊其餘之兵過波河而至措薩鐵思買防守薩國軍敗之後審問拉麻里拿擅離措罷城之故因具述前事而治其罪

奧軍過提起那河令兩營過波河而從本軍第三營至馬太拉令第四軍派一羣兵至波河橋邊屯守以拒拉麻里拿退回之軍其餘之兵向措罷前往第二軍向再而波羅

前往第三軍向各羅潑羅前往

再而波羅與各羅潑羅離罷味亞八里

第一

軍亦向再而波羅前往接應之軍近於罷味亞在提起那河之西另派一羣兵屯於罷味亞城內恐薩軍斷其後路也

奧軍守各渡河處有兩羣兵在別立加而馱聚會在此處作兩橋過提起那河

是日薩國王帶第四分軍由聖瑪地諾過提起那河後在不發羅而阿過運河而至馬經脫查而諾司起遠望至米蘭之路無一奧兵心中疑惑不知如何辦法停軍探信知奧軍於前一日聚會於聖安球羅查而諾司起以爲奧軍

欲退至阿達河故不敢進又不欲遽退停兵以待至亥刻知奧軍由罷味亞過提起那河故出令如左

第一分軍並接應之分軍由馬太拉向脫密羅前行

第二第三第四各分軍前往肥幾滑納

肥幾滑納至奴罷刺十八里

第二分軍已在吃蘭奴可先至肥幾滑納受令至肥幾滑納後派前鋒至聖西羅如此薩軍之右翼阻當拉德此起至馬太拉之軍其左翼已預備攻拉德此起軍之右傍如此則奧人於二十一日當停軍不前聚會各軍查而諾司起欲列陣交鋒成一軍面右翼在脫密羅左翼在提起那河邊布置已定即攻奧軍因奧軍行過之處有低窪未可



成列而戰也

三月二十一日軍事 薩國之軍不能悉聽主帥之令第一分軍過馬太拉卽停軍不前其故未悉

接應之分軍在馬太拉西邊至措薩勒之路列陣恐奧人從聖教涉而至馬太拉西邊之路

未刻薩軍左翼第二分軍之前鋒遇奧國第二軍之前鋒奧軍之前鋒本向剛白羅前行遇薩人而逐之退至斯福而賽斯克後有別立加而馱守渡之兩羣兵過提起那河接應奧軍之前鋒又有一羣兵接應薩軍之前鋒交戰後兩國之軍皆報勝仗究不知其孰勝也薩國第三第四兩

分軍至肥幾滑納時日已暮矣

是日拉德此起出令如左

第二軍自再而波羅動身過剛白羅前往馬太拉而過

其城

第一軍自再而波羅動身過剛白羅向馬太拉前往而  
不至城中

第三軍自各羅潑羅動身過脫密羅前往馬太拉屯兵

城內

各羅潑羅至馬太拉十四里

第四軍自措罷動身過聖捺操羅並聖教涉向馬太拉

西邊而行

措罷至聖教涉二十一里

接應之軍從措勒思可向馬太拉前行

奧國第二軍之前隊在馬太拉城外遇薩國第一分軍因多蘭特將軍屯兵之法不善故接應之分軍過馬太拉城內窄曲街道以助之其軍未至城外多蘭特之軍已敗奧人逐之卽離馬太拉城或向北遁而至奴罷刺或向西北遁而至羅被安是日晚間奧國各軍停歇處如左

自別立加而馱來之兩羣兵卽前守渡者舍於斯福而賽斯

克之相近處

第二軍舍於馬太拉城中

第一軍舍於剛白羅

第三軍舍於脫密羅

第四軍舍於聖教涉

接應之軍舍於各羅潑羅

是日夜間薩國主帥查而諾司起關右翼敗於馬太拉即  
令各軍聚會於奴罷刺城

三月二十二日軍事 薩軍向奴罷刺前往意欲聚會各  
軍

奧國第二軍前往未思波拉特其餘各軍向馬太拉前行  
三月二十三日軍事 薩軍聚會於奴罷刺城外此處向  
東南有一條路通至脫力措突向西南有一條路通至浮



吃力薩軍列陣於兩處間。馬太拉至奴罷刺十六里  
馬太拉至浮吃力十八里

奧國第二軍前往奴罷刺第三軍從之接應之軍亦從之  
第一軍過羅被安向巴過浮吃力前行第四軍屯於馬太  
拉城中

奧國第二軍先攻薩軍陣亡者甚多第一軍相離稍遠不  
能至第三軍至助之接應之軍第四軍皆至亦助之薩軍  
大敗奧人逐之向北離浮吃力之路夜間薩軍逃亡者甚  
眾二十四日平明奧軍前往奴罷刺過城向北追逐薩人  
於麻麻活力起何兩路間是夜薩國王辭位其子肥託而  
以曼奴耶嗣立與奧人講和

論曰初時兩國之軍面保護其運糧之道既改軍面薩軍  
 失利奧軍得勝其故必解明之奧人在罷味亞至馬太拉  
 路上聚會其軍於左翼薩軍亦然在奴罷刺至米蘭路上  
 聚會其軍於左翼拉德此起之意定取馬太拉查而諸司  
 起之意定取米蘭馬太拉至罷味亞二十三里  
 奴罷刺至米蘭亦二十三里  
 假如兩將軍各行其主意則奧軍聚會於馬太拉薩軍聚  
 會於米蘭如此奧軍斷薩軍運糧之道一旦奧軍已至馬  
 太拉離薩軍北邊運糧之道亦不過一日之程提起那河  
 至米蘭二  
 十里薩軍已至米蘭離羅地二十里羅地為奧軍  
 運糧之道且離南面  
 比積克吐納更遠比積克吐納為  
 奧軍運糧之道

由此可見薩軍取米蘭之益處小於奧軍取馬太拉之益

處若查而諾司起仍向前行奧軍斷其後


路而薩軍尙未斷奧軍之後路凡奧軍與

薩軍少不回護其糧道則薩軍之失利更

大於奧軍此俱與後路方向有相關余欲

使學者深明此理故又作一略圖若已明

總圖之各處閱此略圖更能明也



凡兩敵軍彼此有斷後路之主意卽應知二要理一應比較我更近於敵軍之後路抑敵軍更近於我之後路觀

前圖卽知奧軍自罷味亞動身至馬太拉不過二十三里其路尙近薩軍自提起那河邊動身過米蘭而至羅地或至聖安球羅約四十餘里有繞行之路 二應比較兩軍之旁面其穩固如何如奧人欲護其軍傍不過防守罷味亞至馬太拉之路與提起那河所成銳角之處且此角內祇有從肥幾滑納來之大路薩人可用以攻奧人如薩人欲護其軍傍應防守一鈍角米蘭爲角之頂其兩線一爲米蘭至不發羅而阿之大路一爲米蘭至羅地之大路薩軍遇此難處查而諸司起所辦之事與尋常將軍之意相同棄去原定之主意而保護運糧之道改易軍面在肥

幾滑納與脫密羅之間當是時保護運糧之道二若薩軍之右翼在脫密羅與馬太拉之間阻禦奧軍且薩軍之左翼能擊退奧軍之右翼卽能斷奧軍之糧道若薩軍之右翼已抵禦奧軍則左翼雖敗尙屬無妨因左翼已敗能退至賽西耶河邊此時薩軍之右翼尙固守馬太拉城令旣敗之左翼自此經過至賽西耶河右翼緩退至賽西耶河邊與左翼相合則事尙可爲若薩軍之右翼已敗則無論左翼之勝負其事已危因奧軍已至馬太拉卽近於浮吃力運糧之道薩軍左翼離浮吃力之糧道尙遠若左翼屯兵之日稍多則其事更屬可危



由此可知兩國將軍皆欲令右翼不敗雖左翼得勝而右翼必不可敗也

茲將奧將拉德此起行軍交戰之法詳論如左

第一要事令其軍過提起那河愈速愈妙恐薩軍半渡而擊之也是日渡河除用大橋外兩處另作船浮橋此處過河人數在五萬與六萬之間七時內盡行過河若用一橋過河須費兩日之工防守提起那河過渡處之兩羣兵由別立加而馱過河其故有三一此處之路近若至罷味亞過河須行九里其路尚遠二過河之處得二三此處離大軍不遠如有緊急之事可以救應又有一故如薩

軍從肥幾滑納進攻奧軍。有此兩羣兵，懼攻其傍，不敢前進。

奧將之意，令兵速向前行，且用各處之路，移兵之時，常預備聚會列陣交鋒。故有兩軍自再而波羅至剛白羅，又有兩軍自罷味亞向馬太拉前行。假令各軍皆從罷味亞向馬太拉前行，則軍之首尾太遠，未能預備列陣交鋒。且薩軍由肥幾滑納至措勒思可，即可衝斷奧軍之首尾，而向馬太拉前行之軍，必爲薩軍所滅。今用兩路進兵，則自再而波羅至剛白羅之兩軍，與自別立加而馱而來之兩羣兵，可拒由肥幾滑納而來之薩軍。若薩軍之大半皆從肥

幾滑納來此兩軍與兩羣可暫禦之待其餘兩軍從各羅  
潑羅措勒思可脫密羅等處來接應若奧軍失利仍從各  
羅潑羅再而波羅而退回至罷味亞所以四軍分兩路前  
行相離不遠互相救應

措勒思可至斯福而賽斯克五里

奧軍向馬太拉前行其法更速第四軍從聖捺操羅向聖  
教涉而行此軍稍屬危險因離其各軍太遠不能助肥幾  
滑納措勒思可兩處之戰事若奧軍失利此路之軍不能  
退回然此軍雖有可危亦有一利能使薩軍懼其斷馬太  
拉至措薩勒之路且薩軍從馬太拉前往脫密羅在聖教  
涉之奧軍可斷薩軍至馬太拉之路薩將軍多蘭特未從

馬太拉前往脫密羅。且二十一日屯兵之法未善。接應之  
分軍不易至。皆因奧軍在聖教涉之故也。羅密羅至斯福  
而賽斯克十四

里

閱上說而知奧軍布置之法甚妙。向馬太拉前行甚速。且  
右翼穩妥。薩軍不能敗之。二十一日第二軍已至馬太拉  
與多蘭特之軍戰。第一軍已至剛白羅。此時薩軍之左翼  
未易至。罷味亞通馬太拉之道。以斷奧軍之後路。如欲成  
此事。必先擊退第一軍於剛白羅。并聖西羅之兩羣兵。此  
第一軍與兩羣之後。有第三軍並接應之軍。共有四萬人。  
薩軍未易擊敗之。若薩軍左翼向脫密羅前行。奧之第一

軍可禦之待第三軍並接應之軍相助若薩軍左翼向指勒思可前行奧之兩羣兵禦之待第三軍並接應之軍相助且奧國第一軍可攻薩軍左翼之傍二十一日查而諾司起在肥幾滑納聚會三萬人奧軍共四萬人攻之未必勝也

拉德此起移兵之法尙未盡善因二十一日有一事可令右翼之將軍辦之由後而觀如用此法甚妙且薩軍如改用他法則此事更屬有益

上已言肥幾滑納至馬太拉之間爲薩人之軍面是路與奴罷刺至浮吃力之路平行奧軍已擊退薩軍右翼離馬

太拉城此時奧軍左翼離浮吃力已近薩軍左翼離浮吃力尙遠若奧軍速行必先至浮吃力觀薩人之軍面離北邊浮吃力路甚遠不能免軍敗之事不過稍遲耳查而諾司起知本軍敗於馬太拉城外卽知不能令左翼攻奧人因奧軍在薩軍左翼之前而馬太拉所有之奧軍可向東前行圍其左翼如此則東有提起那河西南有奧軍左翼不能退必盡殲焉如有大本領之人爲薩軍之主帥必令其左翼自肥幾滑納徑向馬太拉前行此處奧國祇有一軍可擊敗之且可保護通至措薩勒之後路如此兩軍之利弊相等或言查而諾司起曾計議及此因無識見故不



敢爲但肥幾滑納至馬太拉不過八里其事必可成拉德  
此起亦未預備此事其右翼或在聖西羅或在斯福而賽  
斯克不能阻禦薩軍且不能接應其左翼如奧軍之右翼  
在肥幾滑納卽更穩便因肥幾滑納至馬太拉有好路亦  
可在馬太拉聚會故二十一日奧人之第一軍不應向剛  
白羅前往應向肥幾滑納前往以第三軍並接應之軍助  
之且令兩羣兵並前鋒守剛白羅

由此可知馬太拉與肥幾滑納爲移兵最緊要處奧軍已  
至馬太拉卽斷一薩軍之糧道且他處之糧道亦易斷奧  
軍已至肥幾滑納卽可接應屯於馬太拉之兵

罷味亞與米蘭亦爲移兵最緊要處奧軍已聚會於罷味亞如在圓周之心各處之路爲半徑或攻或防進退裕如假使薩軍初移兵時已聚會於米蘭亦有此妙處

二十三日拉德此起料薩軍聚會於奴罷刺或從奴罷刺緩向浮吃力前行故派三軍前往奴罷刺一軍過羅被安前往浮吃力欲斷薩軍從奴罷刺通至浮吃力之路此軍可暫禦薩軍待馬太拉接應之軍助之其餘各軍可從旁擊之或自後擊之第二軍前往奴罷刺與薩軍相遇各軍依令從之但從羅被安前往之一軍未及交戰故在奴罷刺與薩軍交鋒時不過有四軍此事尙有兵少之危

或問曰。拉德此起當派全軍前往浮吃力。如此則各分軍不散。可斷薩軍之後路。何以計不出此。曰。如用此法。薩軍自奴罷刺向馬太拉前行。由奧軍之背向南而至阿立山。馱耶則與後路尚通。故拉德此起自馬太拉向奴罷刺前行也。

薩軍在奴罷刺列陣交鋒。其軍面與此處通浮吃力之路平行。路在其軍之旁。故軍敗時。祇可向北而遁。已失去都靈之路。此一敗也。奚啻全軍覆沒耶。

假使奧軍敗於奴罷刺。卽退至馬太拉。又從馬太拉退至罷味亞。已至罷味亞。或保守提起那河以拒薩軍。或更向

東行。至民起河邊四城內。觀奴罷刺移兵交戰之事。即可知以下四事。一凡兩軍相敵。一軍之面與運糧之道平行。一軍之面與運糧之道成正角。則成正角之軍得便利之勢。二無論軍面之或大或小。或分或合。不失其成正角之益處。三凡軍面與糧道平行。而成一大軍面。且軍面與糧道之間無阻禦敵軍之物。其軍必敗。稍遲或有之耳。四凡軍面已與糧道平行。而無他種益處。以救之。定是行軍之大弊。以下一節講明軍面與糧道平行之弊。如將軍有大本領。尚可免其弊。而轉敗爲勝也。

續論上節之理 第三節

上節言軍面與糧道平行爲行軍之弊茲以英國將軍空

林登在西班牙薩拉蒙加交戰之事講明一理

觀第一圖

一千八百十二年七月英法兩軍相遇於斗羅河邊法將軍馬爾孟如欲退兵必向東北過瓦里亞多黎向不爾厄斯前往如空林登欲退回至葡萄牙必過薩拉蒙加向西何達陸得里搥前行法軍之面從拖羅至被思挨搥河循河岸而屯兵英軍之面右翼在羅未大左翼在過而里那河如此則兩軍面皆護其運糧之道

羅未大至過而里那河二十三里

七月十五十六兩日馬爾孟忽移兵向拖羅城且分兵渡

過斗羅河。窆林登於十六日。知此事。夜間移動中軍與左翼屯於看尼薩而城。

此時馬爾孟之軍欲繞過窆林登軍之左翼。若仍從拖羅向薩拉蒙加前行。可與英人同時而至。如此則窆林登軍有必戰之勢。且兩軍之面必與拖羅至薩拉蒙加之路平行。而兩軍皆有與糧道平行之弊。如法軍得勝。卽斷窆林登通葡萄牙之後路。而逐其軍至加斯德辣山。此處尙有一法軍可夾攻英軍而滅之。如英軍得勝。卽斷馬爾孟通拖羅之後路。而逐其軍至脫拉司阿思曼脫斯。此處山地難行。且爲敵國之地。



馬爾孟意不在此。不過僞向拖羅前往，聚會兵丁，欲令空林登向看尼薩而前往，聚會各軍，而離斗羅河邊之怕拉斯與端的息來斯兩處，而法軍渡河之事可成。故馬爾孟於十七日令軍自斗羅河北向東，在此兩處渡河而屯兵於拿罷特留。是日夜間，全軍聚會於此。拖羅至端的息來斯二十三里端的息來斯至拿罷特留十三里

空林登知此事，心中大疑，令右翼屯於得拉邦克斯河，十七日夜半，聞右翼離法軍不遠，而中軍與左翼相離尚遠，不能接應，又不能令右翼離得拉邦克斯河而退回，故定計守邊，而里那河以拒法軍，令左翼與中軍向過，而里那

河前往十八日平明右翼自得拉邦克斯河退回渡過而

里那河法軍從之亦欲過河英人擊敗之十九日法軍在

河東英軍在河西彼此成軍面

得拉邦克斯河至過而里那河十里

此兩軍各護其糧道乞林登軍右翼之傍有數路通至呼

未而他與阿而罷此兩處有低窪可過杜沒斯河而至薩

拉蒙加乞林登以爲法軍必不能用此路而斷其糧道因

阿而罷有西班牙所立之堡可阻禦法軍不能過阿而罷

而至薩拉蒙加乞林登移兵之法以護薩拉蒙加爲最要

因法軍至薩拉蒙加英軍之後路已斷

英軍護薩拉蒙加之主意不能改易然馬爾孟知西班牙

未屯兵於堡內二十日聚會其軍於左翼而過過而里那河向杜沒斯河前行窆林登知馬爾孟有此主意祇可順其軍而平行兩軍分隔有山相離不遠斗羅河與杜沒斯河之間地形平曠移兵不必用路此處移兵之事兩將軍彼此互看擇瑕而攻然兩軍移動俱不失機此種移兵之法惟有才識之將軍能用之

英軍至看脫而皮拿見法軍之行甚速知不能先至杜沒斯河窆林登移兵向右邊之山谷前行此時馬爾孟之左翼已至呼未而他

呼未而他至過而里那河十三里

是夜窆林登甚是愁悶因法軍之行速於英軍若再行一

日法軍定至向西何達陸得里搥之路而斷英軍之糧道若英軍速退則後路不斷而棄去薩拉蒙加城故二十一日乞林登用護薩拉蒙加之山屯兵

馬爾孟於二十一日在呼未而他與阿而罷兩處過杜沒斯河前鋒引路之軍是夜屯於看而罷里舍乞林登之軍在生麻大與阿而突耶倫搥兩處過杜沒斯河是夜乞林登軍右翼在阿拉皮而斯左翼在生麻大此處杜沒斯河之右岸派一軍防守恐法軍於夜間渡河前往薩拉蒙加也馬爾孟之左翼引長向西何達陸得里搥故作斷後路之勢以懼英人

或曰馬爾孟向左移兵不護其運糧之道似不合於理然此事無妨此處雖通瓦里亞多黎大路可不懼英人之斷此路也馬德里地城內有法軍南邊之安達盧西亞邦亦有法軍且法人所立西班牙王約瑟拿破倫之弟已帶一軍移向白拉思可以助馬爾孟如乞林登移兵斷其向東北之後路法軍不懼可擊敗之

觀以上各事可知法軍欲斷敵軍之後路英軍惟護本軍之後路移兵之際法軍爭先一着因英軍之面與其糧道平行然法人欲得移兵之益處必須列陣交鋒而擊敗英人方能成事二十二日乞林登竟敗法軍於薩拉蒙加非

惟收復所失之地其左翼追逐已敗之法兵過瓦里亞多黎而向不爾厄斯右翼逐法人所立西班牙王

是役也兩軍雖分勝負其利弊略相等因馬爾孟又收合敗軍還偪英人而至杜沒斯河

由此可知無攔阻之處令軍面與糧道平行之理若已令敵兵用此法即可攻之此時之敵軍敗則全軍覆沒勝則不足爲功

若本軍操練未精或兵少於敵即使敵軍與其糧道平行本軍不能操必勝之勢反之本軍雖與糧道平行亦不懼敵軍之斷我後路也



兩軍面皆與運糧之道平行 第四節

凡兩軍相敵其軍面皆與糧道平行即如糧道爲東西之方向其軍面或向南或向北是也此種移兵之法其故不一或兩軍急於求勝欲斷敵軍之後路而不顧本軍之後路或一軍屯兵處得地利故其軍面與糧道平行或有自然之形勢宜用與糧道平行之軍面此事詳論於第五卷中或與他國有交涉之事而用與糧道平行之軍面茲以爹那之役

講明此理 觀第二圖

一千八百五年拿破侖在奧斯脫力斯攻奧人之時布人與拿破侖不睦此時布國若助奧攻法則當拿破侖在多

惱河邊向維也納

奧國都城

前進之時布人可從旁擊法軍之

後或法軍之旁或與俄奧兩國共攻法軍則法軍必無得勝之事然而布國竟未興兵也

奧軍既敗於奧斯脫力斯卽與法人講和法軍退回本國布人忽欲攻之此爲相時之未善且此時布俄兩國已立盟約若布國興兵略緩一月則俄人可助之是時布國之兵未臨陣者數年將軍不知用兵之新法所有一切軍械皆用舊式兵部議交戰之法眾論紛紜况布之攻法府庫空虛無他國相助法國則將軍有才兵丁慣戰糧餉充足相形之下其勝負不待智者而可決也

拿破侖從奧斯脫力斯回國時屯數軍於孟河邊率領來因河一帶同盟之列國是時得意志各國有與法國和好者拿破侖欲取他國之地以與之如是來因河東邊同盟各國皆助法人之兵事一千八百六年十月初三日拿破侖所用各軍開列於左

第一軍二萬人白拿馱脫將之屯於力歇屯勿而斯

第三軍二萬七千人大和將之屯於班白克

第四軍三萬二千人蘇兒將之屯於暗白與班白克

第五軍二萬二千人蘭將之屯於如灣福脫

第六軍二萬人奈將之屯於奴倫白克

第七軍一萬七千人。愛格羅將之。屯於胡而斯白克。馬軍三萬二千人。磨拉將之。屯於胡而斯白克。與克而那之間。爲接應之軍。

親軍二萬人。白西耶與留菲白將之。屯於胡而斯白克。共計十九萬人。

此爲屯於孟河邊之法軍。軍面向北。前有土林茄山。此帶山在得意志之中間。從來因河起。至不威迷亞山止。土林茄山之東北。有大平原。名曰北德意志。

自來因河至北德意志。有三路。北路從威悉城過維士發里亞漢挪瓦國。若法軍從此路前往北德意志。不必過

士林茄山。中路從福郎福脫過孟河平原至哈那城。從此處向東北至福而大愛薩那。又向東至哥太威馬爾。又向東東北至來白七歇。此爲大路。南路從買安斯過孟河平原至班白克。從此處或向東過卑來脫而至和富城。或向東北過克而那而至什來斯。或向北過可白克而至薩而菲而脫。此三處皆近於薩勒河。威悉有礮臺。拿破侖屯兵於此。如用此路進兵。前往北德意志。即可免士林茄山之險阻。但此路內有大河。敵兵防禦未易過之。且用此路進兵。必自孟河向威悉前往。其路甚遠。敵人可窺其主意而防之。

如用士林茄山之路進兵一在山之西從福而太過愛薩那而前行必與布軍相遇於薩勒河如此兩軍各護其糧道一在山之東從班白克前行過薩勒河上流此處稍狹而淺且從此路可斷布軍之糧道

拿破侖用士林茄山之東路進兵觀地圖卽知愛而白河爲天生之險阻可護布國之西界過河各處俱有城守禦馬黑的白克威登白克土爾茄德勒斯達四處皆有木橋可通伯靈

布國都城

與布國之東偏

布國應屯兵於愛而白河邊待俄人之援兵然此時布國尙守舊法用攻不用防布將言昔拿破侖用兵時敵人用



防法故拿破侖得勝今我軍豈可再用防法而取敗乎是時愛而白河之西有撒遜與黑西加塞爾二小國若布人不棄二國屯兵於愛而白河之西則二國亦出兵助布若棄之則二國必睦於法拿破侖可假道於撒遜由德勒斯

達

撒國都城

而過愛而白河

布人既用攻法陳軍於士林茄山之東北法人陳軍於士林茄山之西南布國以不倫瑞克公爲大將軍此人曾用兵七年饒有智略以和恩羅爲將軍此人於一千七百九十二年戰事得名不倫瑞克公之大軍在愛而福脫和恩羅之軍爲左翼在薩勒河邊近爹那城其前鋒令副將軍

吐恩垂帶之巡哨薩勒河上流各路在薩而非而脫與和富之間維士發里亞之軍爲右翼在哥太城以羅黑兒爲將軍威馬爾公帶領大軍前鋒巡哨士林茄山之路茲從布國紀戰事之書錄其各軍人數於左

不倫瑞克公之大軍五萬一千人

和恩羅之軍並撒遜國之軍四萬四千人

羅黑兒所帶維士發里亞之軍二萬二千人

威馬爾公帶前鋒一萬一千人

瓦爾敦巴爾公帶接應之軍一萬五千人

共計十四萬三千人

布國之後路糧臺在愛而白河邊自馬黑的白克至土爾  
茄撒遜國之後路糧臺在德勒斯達布國軍面與德勒斯  
達至薩勒河之路平行

法國之後路糧臺在買安斯與胡而斯白克法國軍面與  
買安斯至胡而斯白克之路平行

兩國之軍皆用攻法不倫瑞克公於十月初七日之前料  
拿破侖聚會其軍於士林茄山西南以待敵和恩羅之意  
欲帶領一軍向薩勒河上流之路猝攻法軍之右翼法軍  
必漸次退回至孟河之下流此時不倫瑞克公可異道會  
合而助之

不倫瑞克公之意與和恩羅不同。欲令和恩羅之分軍從薩而菲而脫前往。過士林茄山嶺。大軍從哥太向南。過士林茄山嶺。兩軍由山中通路相連。分軍屯於黑而白而好生。大軍屯於馬吝恩。令吐恩垂帶領前鋒。向卑來脫前行。護布軍左翼之傍。令羅黑兒帶領右翼。由愛薩那假向福而大前行。令法人戒嚴。分兵守福而大城。如是大軍與分軍合攻法國中軍於孟河邊。而分法軍爲兩半。其東面之軍。後路已斷。西面之軍。尚可退回。

不倫瑞克公定於十月初十日起兵。先令威馬爾公帶領前鋒往士林茄山內偵探法軍之所在。初九日。威馬爾公

探明法軍聚會於可白克。由是不倫瑞克公棄用攻之主意。令軍屯於威馬爾。

拿破侖移兵之法。令蘇兒與奈兩軍從卑來脫向和富前行。爲法軍之右翼。令白拿馱脫與大和兩軍並接應馬軍。及親軍步兵之在克而那者。過羅朋斯灘。向薩勒白克。與什來斯前往。爲中軍。令蘭與愛格羅兩軍假向黑而白而好生前往。後向右自可白克。過各拉分大爾。向薩而菲而脫前行。爲法軍之左翼。

十月初八日。拿破侖令本軍過撒遜國之界。磨拉所帶馬軍前往羅朋斯灘。遇布軍之前鋒。未及大戰。前鋒卽退至

什來斯馬軍過薩勒河已離山閒窄路卽向左右馳而探路向和富前探之馬兵知無敵軍阻禦蘇兒所帶之軍向薩而菲而脫前探之馬兵見有布兵兩隊卽吐恩垂所領之前鋒也

十月初九日軍事 法中軍自薩勒白克過薩勒河向什來斯前行吐恩垂所帶前鋒初攻磨拉之軍卽逐之拿破侖之大營屯於什來斯蘭之軍向薩而菲而脫前行蘇兒之軍已至潑老温

十月初十日拿破侖致書於蘇兒云余料不倫瑞克公之軍於初五日前往攻福而大城和恩羅之軍過士林茄山

由我軍所過之路向西南行而助之兩軍相合其道尚遠非數日不能至此時我軍之前祇有和恩羅一軍且余度敵軍退回之時必聚會於蓋拉無論其用攻與防我軍必可擊敗之既敗之後大約從馬黑的白克之路退回可與不倫瑞克公通信余亦不願其從來白七歇土爾茄之路退回也現探得潑老温至德勒斯達之路無敵兵卽領第四軍向德勒斯達前行可也

拿破侖料本軍定可擊敗和恩羅軍既敗之後令其不從近路退回過愛而白河而令其從馬黑的白克遠路退回過愛而白河令本軍之左翼屯於薩勒河邊不動如圓周



之心令右翼向北行改其軍面如此和恩羅與不倫瑞克公兩軍定從遠路退回

初十日軍事 蘭擊敗路易親王之前鋒於薩而菲而脫逐之至於爹那

十一日軍事 蘭之軍前往奧買愛格羅之軍面在奧買與薩勒河之間蘇兒之軍前往蓋拉奈之軍前往奧買是日法軍聚會於愛而斯脫河與薩勒河之間非惟保護通士林茄山之路且斷撒遜國之軍通至德勒斯達之路蘇兒之馬兵取撒遜國之軍料甚多

十二日軍事 拿破侖探知不倫瑞克公之軍自愛而福

脫至威馬爾已近於薩勒河自威馬爾至愛而白河有兩  
大路一由爹那過薩勒河一由可生過薩勒河可生至爹那十八里  
拿破侖令蘭與愛格羅之軍向爹那前行令大和之軍前  
往拿恩白克白拿馱脫之軍從之如此則中軍改爲右翼  
磨拉所帶馬軍巡防薩勒河邊在爹那與拿恩白克之間  
恐敵軍過河也

蘇兒屯兵於蓋拉城內奈屯兵於奧買爲接應之軍蘭取  
爹那城大和與白拿馱脫取拿恩白克城并踞近處之橋  
又取城中大軍料局磨拉所帶巡哨馬兵至來白七歇城  
外來白七歇至拿恩  
白克二十五里

是日布軍聚合於薩勒河邊，不倫瑞克公之軍屯於威馬爾城中。其前鋒一萬一千人初向西南行者，未及至威馬爾，各將軍商議，令和恩羅之軍在威馬爾與參那之間。威馬爾至參那十二里按兵不動，保護各將軍移兵之事。布軍之大半自威馬爾至薩勒河之左岸，前往可生。威馬爾至可生十八里但不敢在可生過河，前往來白七歇。因過河前往來白七歇，在薩勒河右岸之法兵可攻其旁。不倫瑞克公之意欲守可生過橋之通路，而過溫斯脫來脫河。如此可退至馬黑的白克，而過愛而白河。法軍不能過薩勒河而阻禦之。因和恩羅之軍守參那處，過薩勒河之橋，大軍亦守可生處。過

橋之路。又令羅黑兒屯兵於威馬爾。與威馬爾公之軍相合爲一。既合之後。卽從不倫瑞克公之軍。此事已成。卽令和恩羅之軍。由薩勒河左岸。從不倫瑞克公之大軍。前往馬黑的白克。

觀布將移兵之法。可知法國之軍。非惟在薩勒河東岸。卽西岸亦有法軍。故令和恩羅之軍。面與威馬爾至爹那之路平行。防法軍在薩勒河西岸。攻布軍也。吐恩垂所帶前鋒。在爹那之南。防守薩勒河西岸。其軍面向東。恐法軍從此處過河也。

是日蘭之軍。取爹那城後。其巡哨馬兵。已遇吐恩垂前鋒。

尙未交戰

十三日軍事 拿破侖探知布軍已近薩勒河欲攻法軍故令本軍前往爹那除大和與白拿馱脫兩軍外他軍皆從之

薩勒河兩岸之平地。在爹那者較之南面寬濶。惟東岸全爲平原。西岸之北有山名蘭格拉弗。爹那與可生之間有

小橋二。可過薩勒河。一在六不斯台脫。一在登白克

六不斯台

脫至爹那三里。蘭之軍前往薩勒河西岸之山。拿破侖從之。登山遠望布軍。一片平原。直至威馬爾。又望薩勒河向北流。至可生二十里。和恩羅之軍在威馬爾路上。拿破侖見之。羅

黑兒之軍不能見不倫瑞克公之軍前往可生亦未見之  
是時不倫瑞克公前往可生分軍爲五各軍相距三里  
和恩羅屯兵之處地形高下不同拿破侖望之不能略知  
其人數以爲布國之軍盡在於此故決意明日交戰上山  
之前已令大和守可生處過薩勒河之橋又令白拿馱脫  
前往登白克守此處之橋是日夜閒拿破侖令大和之軍  
由拿恩白克至可生而過薩勒河向奧而斯特脫之路前  
行攻布軍之背但大和已在拿恩白克與白拿馱脫合軍  
故十四日平明離拿恩白克向登白克前行拿恩白克至  
登白克十三  
里

令磨拉之馬軍。聚會於登白克。是日夜間受令前往參那。是夜蘇兒之軍。自蓋拉城至薩勒河。受令在六不斯台脫。過河前往克羅色未斯。而攻吐恩垂前鋒之背。

奈與磨拉之軍。受令登蘭格拉弗山。卽由蘭軍之故道而行。愛格羅受令分軍爲兩。一向威馬爾之路前行。一登蘭格拉弗山。此山斜度大而路徑曲。屯兵易守。敵兵不易攻之。

和恩羅於十三日之夜。思法軍之最近者。爲蘭與愛格羅兩軍。拿破侖之親軍。將前往來白七歇德勒斯達。所以不攻蘭格拉弗山上之兵。派幾隊兵助薩勒河邊軍面向東。



之左翼和恩羅之軍面仍向南待蘭與愛格羅之軍來攻。拿破侖算差布國兵丁之數故爹那聚會之兵倍於布人。大和依令在可生過河有二萬七千人在奧而斯特脫遇不倫瑞克公之軍五萬一千人。奧而斯特脫至爹那十二里法軍擊敗和恩羅之軍不倫瑞克公之軍雖人數倍於法軍亦敗焉。然不倫瑞克公未知和恩羅之軍已敗欲從奧而斯特脫退至威馬爾與和恩羅合軍十四日之夜在阿破而達遇白拿馱脫之軍向右行避之與和恩羅之敗軍相遇混合爲一而向馬黑的白克前行。

十四日夜間拿破侖屯兵於爹那意欲追布國之敗兵令

其不能聚會成軍。且欲法軍先至愛而白河。以絕布軍之歸路。出令如左。

白拿馱脫過哈勒。向馬黑的白克前行。

大和回至拿恩白克。防布軍於此處。過薩勒河。且此處離來白七歇不遠。其兵常預備前行。若至愛而白河。較之布軍更速。甚妙。

蘇兒之軍。至布脫而斯台脫。此處在威馬爾與拿恩白克之間。

磨拉所帶馬軍。向愛而福脫前行。逐布人而取其城。已取此城。卽向北行。從未生色路。追布軍。奈軍前往助之。

威馬爾至愛而  
福脫十四里

蘭與愛格羅之軍聚會於威馬爾城外

親軍屯於威馬爾

白拿馱脫蘇兒磨拉三將軍從三路追逐布軍而至馬黑的白克此時大和蘭愛格羅奈之軍休息數日至十七日以後奈從磨拉與蘇兒三軍聚會於馬黑的白克

蘭之軍從拿恩白克前行過美色白克而至哈勒城外愛格羅之軍從之

大和之軍過來白七歇向威登白克前行

白拿馱脫之軍至哈勒遇瓦爾敦巴爾公接應之軍戰敗

之追至德搔城

十月二十日軍事 大和取威登白克處過愛而白河之橋從此處有大路通布國都城伯靈  
蘭之軍自德搔過愛而白河前往伯靈愛格羅之軍過愛而白河從之

當是時和恩羅帶領殘兵至馬黑的白克二十一日離此城向阿得河前往此路在伯靈之北布將白立歇而護從和恩羅之軍敗兵四散搜糧其行甚遲且欲待威馬爾公之軍也威馬爾公於十五日在愛而福脫聞布軍皆敗無心戀戰向不倫瑞克前行二十六日在山都過愛而白河

和恩羅待至二十四日。知威馬爾公之軍不由此路而來。故速向阿得河前行。

二十五日軍事。大和之軍進伯靈城。前往阿得河邊。客斯脫令欲攻其城。

蘭之軍襲司班大城。

二十六日軍事。磨拉之馬軍向北行。阻禦和恩羅之兵。不能過阿得河。蘭之軍從之。

白拿馱脫。自不蘭登倍克。向惱恩前往。逐白立歇而之軍。蘇兒過愛而白河。向北前行。斷威馬爾公之軍。不能與他軍相合。

愛格羅屯兵於伯靈城

奈之軍圍馬黑的白克城

自後磨拉與奈之軍於不倫司羅擊敗和恩羅而擒其全軍

自立歇而知不能前往阿得河故退至愛而白河之下流與威馬爾公合軍此處有城欲以此城爲後路而攻法軍之背白拿馱脫之軍迫之蘇兒之軍在其右不能至愛而白河磨拉之軍在其左不能至波羅的海濱被法軍追逐至呂白克又逐之至丹國之境自立歇而計窮力盡於十一月月初七日降於法軍

司德庭城十月二十九日投降

奈於十一月初八日破馬黑的白克城

是役也布國全軍皆失各城盡爲法踞十月十四日以後之事不多叙述因十四日之敗已定布人之不復振矣是日法軍一勝可任意至伯靈與阿得河且法軍所行之路近於布軍所行之路也

論曰拿破侖用三路進兵至薩勒河其行甚速軍士帶酒食無多祇備一二日之糧已擊敗布軍卽在本處得糧食拿破侖以威馬爾城爲中心令各軍前往遂已敗之布軍故後路極穩以後卽用福郎福脫愛薩那愛而福脫之路



運軍料在通路之城有礮護之城。中儲糧。法軍已過愛而白河。卽設軍料局於威登白克。以供日用。又恐本軍敗回。另設軍料局於愛而福脫。

向薩勒河前往之三軍。相去不遠。馬兵往來橫路間。通三軍之信息。布將行軍之法。與此相反。各軍相離甚遠。此爲兵家之大忌。因移兵時。其兩軍有土林茄山分隔之。

初時法軍在什來斯。移兵不護孟河邊運糧之道。或問曰。布軍初時欲攻法軍之左翼。以後不爲此事。又防法軍之攻其左翼。盍前往孟河而斷法軍運糧之道乎。

答曰。布人所定之主意。於十月初十日始移動兵。丁此日。

法軍已繞過布軍左翼。且法軍已至通德勒斯達之路。若布軍定欲進攻。必棄去本軍之糧道。法軍後路之斷否。事尙未定。且路甚遠也。以未定之事。易一定之危。有是理乎。凡將軍遇與此役相同之事。用防守之法。爲最妙。不可冒昧行事。此與查而諾司起拉德。此起戰於奴罷刺之事。相同。一近於運糧之道。一遠於運糧之道也。從上所言之事。可得一公理。凡兩軍相敵。其移兵之法。欲斷敵軍之後路。或欲攻其旁。則有危險之軍。切不可用攻法。祇可移兵防守。又有相反之理。凡將軍探明本軍在敵軍之旁。或近敵軍之背。且本軍之旁與背。離敵尙遠。卽於此處聚集各軍。

而進攻。因敵軍定棄原有之主意，而從危地求生也。

前數節言軍面與糧道平行爲行軍之大忌。本節內之事，又與此理不合法。法軍運糧因方向不順，較之布軍運糧更難。但拿破侖之軍已至薩勒河邊，不懼敵軍斷其後路，可定進兵之策。且料布將得法軍在薩勒河之信，定欲退兵防守也。

布國之軍本不應於愛而白河邊用攻法移兵。且未決勝負時，布軍皆思退至愛而白河，其退回之路非近路也。

拿破侖行軍之法，在爹那交戰以前，俱是一理。其軍用兩翼，中間有接應之軍。十月初十日，中軍在什來斯，左翼在

薩而菲而脫。右翼在潑老溫。是日拿破侖料敵軍聚會於蓋拉城。故移動左翼在奧買與薩勒河之間。中軍屯於什來斯。右翼從潑老溫前往蓋拉。後得信知布軍不在蓋拉。而在薩勒河之西。故定計斷通愛而白河之兩直路。中軍停兵二日。前往拿恩白克。改爲右翼。奈軍在奧買。蘇兒軍在蓋拉。改爲中軍。可接應左右翼。其左翼在爹那。離中軍不遠。易於接應。此亦有理。因左翼最爲緊要。布將聚軍救回。其後路有兩法。一從馬黑的白克前往過愛而白河。須早於法軍從來白七歇。前往過愛而白河。二布軍衝過法軍而至愛而白河。其衝過之路有二。一在爹那。一在拿恩。

白克若布軍於拿恩白克衝過法軍則法之右翼已敗但  
白拿馱脫之軍可助右翼且馬軍處處與大軍相連右翼  
雖敗尙可退回若布軍於爹那衝過非惟法軍之左翼已  
敗卽右翼亦難得一退回之路故拿破侖接應之中軍與  
爹那之左翼相離不遠也

假使拿破侖於十三日確知布軍之所在大約派蘇兒之  
軍與磨拉馬軍數隊前往助大和與白拿馱脫之軍大和  
擊敗不倫瑞克公加倍之眾已屬僥倖白拿馱脫之軍未  
及交戰拿破侖之兵雖多於和恩羅之兵因無確信故用  
極穩之法令中軍與左翼屯於爹那

昔時史家常言某將軍能料敵人辦事之法此爲誇張之辭於理不合試觀拿破侖著名能用兵者而三日內料錯布軍辦事之法有三初十日料和恩羅之軍將攻法軍是日又料布軍聚會於蓋拉十三日望見和恩羅之軍以爲布國之全軍皆屬錯誤然拿破侖初時移兵之法甚妙料敵有誤而辦法不誤布人欲攻法軍之左翼法人亦欲攻布軍之左翼兩軍相較布軍之行動甚遲且離法軍之左翼遠也

拿破侖初移兵時卽聚會其軍於撒遜國界內其軍離薩勒河不過一日之程若布軍至孟河而斷法軍之後路總

須數日之程。由是觀之。凡軍近敵軍之糧道。大約可獲勝。不倫瑞克公之辦法無識見者。亦知其誤。兩軍相離甚遠。犯行軍之大忌也。

若布軍於十月初九初十兩日。聚會於薩勒河邊。拿破侖料布將亦有識見。如被法軍敗於蓋拉。即可從來白七歇。退回過愛而白河。但和恩羅之軍。不能在蓋拉立定。恐法軍左翼或前往向北。卽與不倫瑞克公之軍隔絕。其通路已爲法軍所斷也。和恩羅無他法。祇可在薩勒河西岸。爹那相近處屯兵。護不倫瑞克公過威馬爾之事。本節論明軍面與運糧之道平行。不可謂行軍之大弊。因



敵軍或有更大之弊也。但觀本節，亦可知軍面與運糧之道平行，勝則猶可，敗則全軍覆沒也。

某軍後路便利，可令敵人軍面與其糧道平行。第五節

茲以一千八百零九年法將軍麻羅在德意志攻奧國事講明

是理

觀第三節  
七兩圖

昔法國大亂時，法軍在德意志交戰，即立後路糧臺於來因河邊，必在八思與的司而馱之間。卡里大公云：來因河爲天生之險要，河西之城，奧人不易攻，祇可屯兵於來因河邊，保守我軍之糧道，且阻禦法軍向德意志前行。

一千八百年以前來因河左右戰事其軍面皆與糧道平行奧人不便過來因河而用攻法祇用防守之法法人向在河邊有護橋之礮臺過橋卽入德意志界奧軍惟能防之而已故此時來因河爲法國與德意志之交界

在一千八百年時有一事爲昔時所未有者拿破侖屯兵於瑞士國故其後路糧臺從八思至舍夫好生昔時後路各糧臺相連成直線此時後路各糧臺可作兩線而成角且移兵交戰之事卽在此角之中

八思至舍夫好生五十五里

八思開兒客斯兒三城之外有過來因河之橋并有護橋之礮臺法兵守之麻羅之各軍如左

勒可見將右翼二萬九千人屯於瑞士國來因河邊自勞  
分白克至官斯丹薩湖止

接應之軍二萬六千人自瑟欽恩至八思并來因河邊上  
阿爾薩思邦內屯兵

聖西兒將中軍三萬人屯於白勒薩克與司賴司白克之

間八思至白勒薩克三十五里白  
勒薩克至司賴司白克四十里

聖卽三將左翼一萬九千人屯於司賴司白克與開兒礮  
臺內守過來因河之橋

除麻羅各軍外另有法兵三萬人屯於瑞士國中

奧國之各軍如左

司達留將一萬六千人自孟河至倫興且在客斯兒探過河之橋又基馬兒將一萬五千人自倫興至黑倫太而路探通法國之各路爲奧軍之右翼

可來將中軍四萬人屯於別林恩與多惱厄與恩之間倫興

至多惱厄與恩五十五里

接應之軍屯於司達楷何此處至多惱厄與恩二十八里

官斯丹薩湖有奧國之兵船來思將左翼在來因河之上流官斯丹薩湖之南與奧兵之在意大里者相通本節所論之事與奧軍左翼及屯於瑞士國之法兵三萬人無關故不詳論焉

奧國之後路糧臺在不威迷亞山與恩斯河與奧軍相離甚遠此處有路在多惱河邊通至拉的司奔又有一路從司大耶過慕尼克蘭思白克沒名恩司達楷何厄恩而至白勒薩克

法人既守過來因河之橋可用攻法奧將可來用防法觀法軍之動靜以阻禦之若屯兵於法軍之背更屬穩便但巴散瓦爾敦巴爾兩小國以兵助奧不能棄之故奧國之兵屯於近司達楷何并多惱厄興恩之處懼法兵由瑞士國而來也

來因河流至八思兩岸卽過八思而向北兩岸略遠河之

左右有平地各寬十五里俱有大路可通各處平地之東有黑林山奧軍右翼屯於山中防守過山之各路自孩兒白克白而克薩爾卡而痴路厄拉施達脫各城有路或徑過黑林山或繞過黑林山而至啞而姆城司賴司白克之對面有聽積河邊山谷白勒薩克對面有黑倫太而山谷皆通多惱河可來之軍在山谷中必可阻禦法軍前行奧軍右翼離中軍甚遠恐法人在來因河之後聚集兵丁奧人不知或在買安斯過來因河已過來因河可繞過奧軍之右翼故奧軍之右翼通至客斯兒且有馬兵巡哨來因河一帶恐法軍作浮橋過河也黑林山過嶺之西口亦有

屯兵又有黑林山過嶺路之交點如恰思刺亦有屯兵大軍在別林恩并多惱厄與恩從此兩處各有一路通至啞而姆一由羅脫未兒一由馬而斯克而歇若法軍從阿爾薩思邦攻奧軍或從舍夫好生攻奧軍則多惱厄與恩大軍與司達楷何接應之軍便於抵禦之

當是時拿破侖從意大里攻奧國若麻羅之事不成拿破侖之事亦難成拿破侖令麻羅在舍夫好生與官斯丹薩湖之間聚會我軍向啞而姆前往斷敵軍之後路麻羅云此事不能成因用此法進兵左翼與中軍必從遠道行與右翼相合軍行遠道敵人豈不知之且交戰之地如三角

形兩邊有法軍一邊有奧軍爲奧軍之利也拿破侖曰否  
來因河寬濶敵人不能知我軍於來因河邊用何法移兵  
我意令本軍聚會於舍夫好生過來因河而攻奧中軍之  
左旁斷通啞而姆之路麻羅曰來因河寬濶我軍過河不  
能速敵人待我半渡而擊之奈何此事非易爲也我之意  
如左

聖卽三將左翼自開兒過來因河聖西兒將中軍自白勒  
薩克過來因河接應之軍自八思過來因河過河之後左  
翼攻聽積河山谷中敵兵中軍攻愛而次河山谷中敵兵  
奧將可來知此事或料我軍欲攻其右翼若果有此意必



派中軍數羣兵往北阻禦我軍之左翼

我軍逐基馬兒之軍至黑林山谷則甚難探信不知左右前三面法軍所辦何事此時我軍左翼仍由開兒過來因河而向南行至白勒薩克又過來因河向東前行

當左翼移動之時聖西兒中軍之步兵可過黑林山至聖白賴西恩中軍之礮兵與軍料車由來因河東邊大路行向舍夫好生接應之軍在八思過來因河派數羣兵前往回思河山谷中可與聖西兒中軍通信其餘之兵自來因河北岸前往舍夫好生勒可兒所帶右翼在來因河南岸近舍夫好生處聚會接應之軍已過來因河可護勒可

兒之軍過浮橋

此事已成右翼與接應之軍相合屯於奧中軍與官斯丹薩湖之間接應之軍自八思過來因河與中軍礮兵軍料車前往舍夫好生其路稍遠中軍步兵在聖白賴西恩護之以後聖西兒中軍與右翼及接應之軍相合卽有三軍聖卽三帶左翼自黑倫太而路前往又與三軍相合奧國右翼司達留之軍離此太遠不能速引軍助之奧將可來已派數羣兵攻我軍之左翼未卽調回故我軍攻其左翼料敵軍不能抵禦

拿破侖雖握大權能使麻羅依令而行軍然拿破侖知令

將軍勉強辦事恐終有誤故從之一千八百年四月二十五日麻羅用已法移兵之事如左

四月二十五日軍事 聖卽三將左翼自開兒過來因河逐基馬兒之軍至聽積河上流山谷中而屯兵於來因河之東以遏之

聖西兒將中軍自白勒薩克過來因河派一分軍向開兒行似有與左翼合兵之意其餘之兵前往福來白克而封黑倫太而路之西口

二十六日軍事 奧將可來得基馬兒之信云有法軍四萬人攻其軍故可來料法軍必從聽積河邊山谷并黑倫

太而路過黑林山向多惱河之平原基馬兒之左羣在滑而脫開歇與黑倫太而之間令旣幼來將之其餘之兵在聽積河邊山谷中可來派步兵九營馬兵二十四隊自別林恩起行往救之令司達楷何接應之軍派九營移至別林恩又令司達留之軍移至馬歇河邊山谷中但此處離中軍尙遠

是日聖卽三與聖西兒之兩軍未動

二十七日軍事 聖卽三之軍自開兒退回過來因河前往白勒薩克聖西兒之軍自福來白克起行步兵向聖白賴西恩前行留一分軍封黑倫太而路西口

福來自白克至聖白賴西恩

二十五里

麻羅自統接應之軍。自八思過來因河。派一分軍向回思河邊山谷中。助聖西兒之軍。尚有兩分軍前往勞分白克。八思至勞分白克二十四里

二十八日軍事。聖西兒之軍在山中與回思山谷中接應之一分軍通信息。而屯於聖白賴西恩。

接應軍之兩分軍過阿勒河。繞過奧國兵一羣。奧人見之退至奔達夫。奧兵之屯於來因河邊者。見法軍至。卽退至司多林恩。

奧將旣幼來之羣。屯於滑而脫開歇與黑倫太而路之間。

可來令退出封其東口。故奧軍之面自腦思達脫奔達夫。至司多林恩。此爲奧國前鋒之軍面。又令別林恩與蓋新恩之兵分撥至六分恩與义而好思。接應前鋒。基馬兒之軍尚在聽積河邊山谷中。腦思達脫至司多林恩十五里

二十九日三十日軍事 法國接應之軍在滑而次胡脫。其前鋒已至庭恩。左翼亦至聖白賴西恩。左翼之左營屯於山谷中。三十日聖卽三之軍進黑倫太而路。是夜勒可兒聚會右翼之兵於舍夫好生。以上數里由來因河南岸進兵。

五月初一日軍事 法國接應之軍前往舍夫好生其前

鋒逐奧國守橋之兵而過胡達河聖西兒之中軍從聖白  
賴西恩向東前往其軍之右旁在司多林恩

法國接應之軍已至舍夫好生勒可兒派步兵數營在兩  
處用船渡過來因河前往司但護造浮橋之事橋成之後  
令紛達姆羣官領一羣兵過橋前往阿喝河邊而至舍夫  
好生與司達楷何之通路又第二分軍亦如法前往而屯  
於厄恩與舍夫好生兩路相交處第三分軍過來因河前  
往舍夫好生

由此可知麻羅之全軍除聖卽三左翼外皆在多惱河與  
官斯丹薩湖之間與可來中軍之左相對聖卽三之前軍

已過黑倫太而路前往腦思達脫

初二日軍事 麻羅慮奧將來思所帶之左翼由瑞士國  
渡官斯丹薩湖而攻勒可兒之軍故令接應之軍向右屯  
於舍夫好生與太以應恩之間令右翼屯於官斯丹薩湖  
之西北灣而其路通至厄恩聖西兒之軍面自太以應恩  
至司多林恩

勒可兒之軍過來因河後奧軍偵探之兵自來因河邊退  
回與前鋒相合此前鋒之軍面自太以應恩之北至司多  
林恩近於司達楷何通至舍夫好生之路旣幼來所帶之  
一羣遇聖卽三前鋒逐之離腦思達脫而退至奔達夫奔



行軍抄要三  
達夫之兵退至义而好思义而好思之兵退至蓋新恩奧  
之大軍并接應之軍皆在蓋新恩可來意欲於明日令全  
軍退至司達楷何

初三日軍事 法軍右翼分爲兩半前往司達楷何左邊  
阿喝河邊山谷間有兩羣兵與右翼及接應之兵相連通  
信接應之軍前往厄恩厄恩之左有聖西兒之軍其軍面  
引長近义而好思

勒可兒約用二萬人攻奧軍之左九千人逐之過司達楷  
何而向馬而斯克而歇與没名恩之兩路前行奧人陣亡  
受傷者眾司達楷何積聚軍料甚多法人取之

當是時奧將可來統大軍至厄恩前鋒之右探阿喝河邊山谷間法軍甚多向厄恩退回奧國大軍約四萬五千人成一軍面在厄恩與父而好思之間法軍於厄恩進攻奧軍聖西兒之軍攻奧軍於父而好思兩軍大戰日暮未分勝負夜間奧將可來得軍敗於司達楷何之信懼法人取馬而斯克而歇城斷奧軍之後路故無心戀戰而收兵厄恩至司達楷何十二里

初四日軍事 奧將可來退兵至托脫林恩立潑庭恩馬而斯克而歇三處托脫林恩至馬而斯克而歇路之南地形險阻法軍不能猝至故奧將從此處退兵

司達留之軍退至合興恩基馬兒之軍在多惱河北岸意欲前往與可來大軍合兵

法將麻羅漆兵於右翼接應之軍行於厄恩至司達楷何之路聖西兒之軍屯於蓋新恩聖卽三之軍屯於多惱厄興恩

初五日軍事 奧將可來將四萬兵於馬而斯克而歇成軍面前敗於司達楷何之兵已與可來之軍相合但中軍之右在托脫林恩相離尙遠且基馬兒與司達留之兩軍尙在多惱河北岸未能合兵

法國右翼并接應之軍約五萬人攻可來之軍迫之向西

克馬林恩可來以中軍之右在托脫林恩故又令本軍之右前往逐法軍離托脫林恩至馬而斯克而歇之路如此則與右翼通信息且旣幼來之一羣兵可與可來之大軍相合奧中軍之兵旣多可以右翼攻法軍之左旁而取司達楷何之路但可來料法軍亦欲攻其軍旁故退回向馬而斯克而歇之東成軍面此處兩軍相攻未分勝負死傷之人大略相等是日聖西兒受麻羅之令向立潑庭恩進兵以拒基馬兒與可來合軍聖卽三之軍自多惱厄與恩向蓋新恩與聖西兒之左營合兵可來之軍仍退回向多惱河在西克馬林恩之上下流作浮橋過河

初六日軍事 奧將基馬兒與可來合軍於西克馬林恩。是日奧國全軍退回向立脫林恩。

初七日軍事 奧軍離啞而姆之直路而至比白賴喝。因比白賴喝與沒名恩有軍料局恐法人奪取也。

法將麻羅尙令其右隨奧軍之後其前往之意非欲斷奧軍通啞而姆之道而欲斷奧軍通慕尼克之道。巴威也拉都城且

防奧將來思所帶左翼由瑞士國而來與可來合兵。

以上所述移兵之事講明法國所設後路糧臺便利之處。故奧人之軍面不免與糧道平行馬而斯克而歇交戰以前。法人軍面與通舍夫好生之路成正角。但法軍至多惱。

河所成之軍面與比白賴喝司達楷何舍夫好生之路平行此處之軍面法人運糧之道不及奧人之便因奧軍已至啞而姆其糧道在多惱河之北多惱河護其糧道法軍未易進攻而法軍之糧道無險阻以護之也

論曰法軍所有後路糧臺在來因河邊相連成一角故奧國之兵未移動時已屬失勢設法軍第有自八思起循來因河南北之後路糧臺則奧將可來不懼法軍攻其左旁且可屯大軍并接應之軍近於黑林山以助守嶺之各軍法軍之後路既相連成一角奧將可來無善守之法祇可屯大軍并接應之軍於別林恩至多惱厄與恩又至司達

楷何與守黑林山之各軍相離尙遠未易接應如可來之  
軍移屯他處法軍由舍夫好生過來因河而斷奧人運糧  
之道

拿破侖與麻羅之意不同然亦有相同處法軍之後路糧  
臺依來因河成角奧人之軍面爲角之對邊拿破侖欲攻  
奧軍之左旁以後進兵可斷奧人之後路麻羅之意亦然  
但辦事之法兩人有不同之處拿破侖定用何法辦事而  
求勝其中之難處雖不甚理會必欲盡力而免其難此處  
用兵之難卽奧人設偵探之兵於舍夫好生法國全軍在  
此處過來因河奧軍可聚會交戰拿破侖以爲奧軍雖有

偵探之兵必通信後能聚會交戰若法軍速過河亦可列陣交鋒蓋拿破侖之用兵其性甚急也

麻羅之性情小心謹慎懼奧軍聚會於舍夫好生拒法軍過河果有此事則法軍過河之事難成故麻羅之法祇令一軍在舍夫好生過河且令接應之軍自八思渡河至舍夫好生保護渡河之事又因接應之軍過來因河而前往舍夫好生其路尚遠故派一分軍過黑林山而護其軍傍又派一分軍假攻奧軍右翼令其在山中遲滯不能向左移兵與可來之軍相合

或曰法國接應之軍在八思過來因河而至舍夫好生其



路尚遠。所成軍面與糧道平行。此爲法國移兵之弊。然觀地圖卽知此法不可謂不妙。因黑林山無有大路與八思至滑而次胡脫之路相通。奧人不能用大軍與礮阻禦。法國接應之軍。且奧人欲爲此事。有聖西兒之軍在山間向聖白賴西恩前行。可拒奧軍。如奧人欲前往滑而次胡脫。聖西兒之軍已至聖白賴西恩。可阻禦奧軍不能進攻。接應之軍。故麻羅知接應之軍。至舍夫好生護右翼過河。並無危險也。

麻羅所用之法。雖成不及拿破侖法之妙。因麻羅之法在舍夫好生處。祇有兩軍。在來因河北進攻奧軍之中。與左

其餘兩軍未至。此處之兵力不足。不能速卽進攻。易失機宜。如用拿破侖之法而成其功。則四軍合力而攻奧軍之左旁。可來之軍必敗。此時奧將司達留之軍遠而不能接應。旣敗之後。法軍前往多惱河。雖奧軍退回與右翼合兵。法軍必可再敗奧軍也。

設麻羅強用拿破侖之法。大約不能成事。觀拿破侖在他處所辦之事甚妙。卽如此事以後數十日。拿破侖敗奧軍於墨林哥。所用之法甚難。然竟成事。又如一千八百五年。拿破侖由多惱河之北。向東進兵。雖有難事。大功亦成。又如前節所述。爹那移兵之事。亦遇難處。事亦辦成。由是觀

之此次法國全軍由舍夫好生進攻大約事亦可成也  
聖卽三與聖西兒兩軍假攻山中基馬兒之軍一萬六千  
人非惟誤奧將移兵之事尙令可來多派六千或七千人  
至山中但此假攻之法於司達留無甚難處因司達留之  
軍離可來之軍尙遠本不能於第一次交戰時與可來合  
兵此次法將用四萬九千人困奧軍一萬六千人於山中  
殊非勝算以後聖西兒之軍與接應之軍相合尙有聖卽  
三之軍困奧軍於山中所用兵丁之數略相等亦非上策  
此兩事無有裨益祇多危險也

若奧將可來靈敏者於四月二十八日必可明麻羅之計

必知聖卽三之軍。在開兒過河。回至法國。聖西兒之軍在  
山中。又可知法人攻奧人於阿勒河邊之事。奧將來思。應  
知勒可兒之軍。前往舍夫好生。大約未將此事報明。可來  
設可來將各事彙集細思。卽知法人欲攻其軍之左旁。卽  
有兩法可阻法軍。令其不能成事。一用黑林山內之兵。攻  
聖西兒之軍。如用此法。卽移動六千或七千人之事。不謂  
無功。二聚會各軍於厄恩與司達楷何之間。而攻舍夫好  
生之兩法軍。此時聖西兒與聖卽三之軍未至。奧人可封  
官斯丹薩湖與多惱河間之地。第二法辦之甚易。聖卽三  
之軍不能助麻羅攻可來之軍。司達留之軍離大軍甚遠。

本不能助可來之軍。麻羅無聖卽三之軍相助。是其調度之未善也。

奧將可來誤會法人之主意。故不令基馬兒之軍與大軍相合。五月初三日之戰。雖奧軍之中右未敗。而左翼之兵太少。勒可兒之軍易擊敗之。麻羅雖居勝勢。尙失機宜。當奧前鋒退兵時。卽應分撥多兵。助勒可兒前往斷奧軍通啞而姆之路。不應用右翼之兵以助中軍。此爲錯誤。假使麻羅用聖西兒之軍。接應右翼。不令其攻。但令其防守。通舍夫好生之路。勒可兒之軍前往斷奧軍通啞而姆之路。奧人知之。不戰而遁矣。勒可兒之軍。應前往馬而斯克而

歇卽於此處斷奧人通啞而姆之路麻羅坐失事機不知接應右翼奧軍退至馬而斯克而歇時法軍在其西奧軍卽向啞而姆退回

本節所言移兵之事說明本國後路糧臺相連成一角敵人之軍面不免與糧道平行奧將可來見麻羅進兵故令軍面與糧道平行而向南法人之軍面與通舍夫好生之道成正角可護其運糧之道厄恩之戰未分勝負而奧軍退回因法軍進攻之方向可斷奧軍之後路且奧軍退回而失黑林山爲法軍之利觀麻羅之辦法苟且模糊尙能獲勝况用拿破侖之法乎設法人在舍夫好生有橋并有

護橋之礮臺卽與白勒薩克開兒兩處無異則角形後路之益處更大也

以上所述各種移兵之法令敵人軍面與糧道平行爲本軍之益處已屬詳備設有阻當行軍之物可護敵人之軍面而令本軍無益者則另有一理凡令敵人軍面與糧道平行其類有三一兩國之軍面皆與糧道平行卽如奴罷刺與薩拉蒙加之事且因路之方向一國之軍可前往斷敵人之後路而本軍之後路敵人不能斷之二如爹那之戰初時移兵甚速可斷敵軍之後路而不懼敵軍斷我之後路三卽本節所論法國與敵國之交界成一角可令敵

人之軍面與糧道平行

某軍前往橫斷敵軍之糧道

第六節

本卷第二節評拉德此起於一千八百四十九年奴罷刺之戰云。拉德此起進兵用馬太拉至奴罷刺之路較之用奴罷刺至浮吃力之路更妙。因奧軍如用奴罷刺浮吃力之路進兵薩軍之糧道皆斷則薩軍爲窮寇必前往波河斷奧軍通罷味亞之路。若事果成非惟救已軍出於虎口尚令奧人暫有難事也。有時將軍非惟令敵軍面與糧道平行又盡斷敵軍之糧道拿破侖曾兩爲此事。一在墨林哥一在啞而姆又麻羅於一千八百年在多惱河邊亦爲



此事卽在第五節所言之事之後也。或問曰：此種事可謂尋常之事否？又問曰：拉德此起若在奴罷刺用此法，開薩軍逃生之路，拿破侖與麻羅三次爲此事，亦開敵軍逃生之路否乎？

答曰：兩軍相敵，自不能同用一後路。凡軍橫斷敵軍之糧道，卽不能護己軍之糧道。若兩軍之後路各糧臺平行，其橫斷敵人後路之軍，必須前往圍繞敵軍，而本軍面已離其後路。且運軍料亦必繞道而行。我軍能用此法，敵軍亦能用此法。假如我軍欲用此法，而我後路與敵軍退回之路平行，如一千八百零九年法軍之後路從八思至官斯丹薩

湖與奧軍退回之路平行。此時必須橫斷敵人之糧道。而本軍面已與運糧之道平行。此爲危事。因此法爲敵人之便。敵人可退回至後路。而橫斷我軍之來路。如此敵軍之糧道通而我軍之糧道不通。

有時某軍祇在一處有運糧之道。且後路不相連成一線。而祇爲一點。卽如某軍由海口登岸。此處之後路爲一點。或某軍後路雖成一線。而運糧之道爲地形之故成一交點。一千八百十三年拿破侖在來白七歇與同盟各國交戰時。若同盟各國橫斷拿破侖糧道於來白七歇之西。則拿破侖惟有衝突與退擊兩法而已。此處南有士林茄山。

北有哈而次山各路皆在兩山之間拿破侖糧道祇有來  
白七歇愛而福脫哈那之路此爲地形之故也

觀第二圖

凡已斷後路之軍其辦事之法有三進攻斷我後路之軍  
而擊退之一也向旁路移兵而斷敵人繞道運軍料之路  
二也向旁路移兵不斷敵人之路而免交戰之事三也第  
三法本非上策而用之於已斷後路之軍不可謂非計也  
凡將軍欲斷敵軍之後路難知敵人曾否知我之主意又  
難知敵人用法免其難處與否故將軍已斷敵人之後路  
大約不能知敵人移兵之處應待敵來攻或前往攻敵惟  
此時之敵人辦事必速乃一定之理也

凡將軍之後路已斷必思慮旁皇主意不定若向旁路退兵不戰而失地終非上策若前往攻橫斷後路之敵軍勝則救回其糧道敗則全軍覆沒若向旁路斷敵軍之後路則兩軍形勢相平或可獲勝也

茲以墨林哥移兵交戰之事講明上理

觀第二卷第三節并第五圖

一千八百年五月間奧國屯兵十萬於意大利大將密拉司統之屋脫將第一軍二萬五千人圍熱那亞城愛而司納司將第二軍在亞卑斯山與地中海之間護圍城之軍抵禦法將西賽所帶一萬四千人恐其過法兒河前往解熱那亞城之圍奧將之意在此處獲一勝仗即可攻入法

境其餘奧軍防守亞卑尼山過嶺之路至聖客叨嶺止奧國運糧之道在民起河邊前述奴罷刺之戰已詳言之茲不贅言

拿破侖決意過聖白那嶺用兵三萬五千逐去波河北之奧軍一萬人而前往米蘭麻羅在多惱河攻奧人令孟息帶兵一萬五千於五月初十日前往過聖客叨嶺與拿破侖會於米蘭拿破侖以爲此事旣成而奧人不知卽派兵前往波河之南皮挨稱薩城則奧軍通民起河之道已斷此時奧將定欲聚集各軍則熱那亞城之圍可解奧將愛而司納司之軍必調回與他軍相合西賽之軍可前進與

熱那亞城之軍合兵

五月二十四日法國大軍之前隊至以勿留阿此處有兩路一通米蘭一通都靈法將蘭帶領分軍爲大軍之前鋒

向都靈之路進兵

以勿留阿至米蘭七十里至都靈三十三里

五月二十二日法將替羅軍之前隊過蒙息尼嶺之口替羅之軍不過四千人奧軍見之不知其人數以爲一大軍見蘭之分軍不過幾隊以爲非大軍奧將旣誤會敵軍移兵之法故令屯於都靈中軍之大半前往蘇薩令一軍前往以勿留阿禦蘭之軍

都靈至蘇薩三十三里

二十六日軍事 法將蘭逐奧軍而至氣拔沙在此處奪

取多船故作浮橋過波河前往都靈

二十七日軍事 法國在以勿留阿之軍皆前往米蘭

二十八日軍事 蘭攻奧之分軍既攻之後卽向罷味亞路前行

二十八日至三十日軍事 拿破侖之大軍攻奧軍逐之前往過賽西耶與提起那兩河奧大將軍密拉司於二十九日得法軍前往米蘭之信料奧將胡恰蘇未恥之軍能阻禦法軍過提起那河

三十一日軍事 奧大將軍密拉司將中軍二萬人意欲於楷薩勒過波河前往浮吃力斷拿破侖之糧道又可斷

蘭與拿破侖兩軍之信息。是日知可來之軍，敗於多惱河。又知胡恰蘇未恥之軍，不能守提起那河，而退至阿達河。又聞法將孟息軍之前隊，已至提起那河，故令中軍不過波河，而聚會於阿立山馱耶。令愛而司納司之軍，離法兒河，前往阿司弟。又留兵守亞卑尼山，過嶺各路，以拒西賽之軍。密拉司之令，護都靈之兵，且勿移動，阻禦由蒙息尼山而來之法兵，以護愛而司納司之軍。至阿司弟既至，阿司弟都靈之兵，前往阿司弟，與之合兵。又令屋脫之軍，棄熱那亞城，速至皮挨稱薩，而保守波河。然熱那亞城內，法人與屋脫議投誠之事故，屋脫之軍，遲遲未行。



六月初二日軍事 拿破侖已進米蘭城待孟息之軍至  
與之合兵孟息之軍因山路難行其軍之後隊至初六日  
方過提起那河

初三日軍事 奧將愛而司納司奉密拉司五月三十一  
日之令退軍至凹迷耶

初四日軍事 熱那亞城內法軍已降

初五日與初六日軍事 法將西賽在亞卑尼山中擒奧  
兵兩羣蘭與菲克士爾之軍在必立求沙過波河奧將屋  
脫屯守兵於熱那亞城派步兵一羣由波比倭之路前往  
皮挨稱薩其餘之兵前往托吐乃亦至皮挨稱薩

熱那亞  
至托吐

乃三十  
五里

初七日與初八日軍事 法將蘭與菲克土爾之軍過波  
河自司得拉突刺而向西行磨拉之軍近皮挨稱薩過波  
河而取其城居合姆之軍近額摩拿過波河與將愛而司  
納司原帶一萬八千人至車罷時祇剩八千人餘俱爲法  
軍所擒屋脫之軍已至托吐乃城

初九日軍事 屋脫之軍仍前往皮挨稱薩至孟脫別羅  
遇蘭與菲克土爾之兩軍戰奧人敗焉退回向阿立山馱  
耶而行孟脫別羅至托吐乃十五里

初十日至十二日軍事 拿破侖令蘭菲克土爾磨拉得

賽所帶之四軍二萬八千人聚會於楷思地其何令孟息之軍屯於波河之北守提起那河恐奧將密拉司之軍從此處退回而衝過也其餘法軍在波河之北逐奧將胡恰蘇未恥之軍向民起河又取狼罷地省有礮臺之城又護聖白那嶺至提起那河之糧道奧大將軍密拉司於十二日聚會各軍於阿立山馱耶

十三日軍事 拿破侖不知奧軍之信息憂急之甚故統軍過昔里肥耶河令前鋒過巴密大河又令得賽帶一分軍向立伐而太前行偵探敵情

十四日軍事 奧軍由礮臺所護之橋過巴密大河與法

軍相遇於墨林哥戰法軍失利退至生阻略拿法將得賽自立伐而太回領軍助戰奧兵大敗逐之過巴密大河而至阿立山馱耶

十五日軍事 奧大將軍密拉司與拿破侖講和將民起河西邊之地并各城各礮臺皆與法國所統之奧兵法人不準擒焉拿破侖許之此時密拉司所統之兵尙能成軍交戰或能衝過法軍救回運糧之道故密拉司願割地而不願棄軍也

論曰此次用兵以以勿留阿爲最緊要處因此處有兩路一通米蘭一通都靈且拿破侖有假攻都靈之事以誤密

行軍抄卷三  
三  
拉司當奧人防法軍取都靈時拿破侖之軍前往米蘭甚是穩便

替羅帶兵四千過蒙息尼山嶺似與此處移兵交戰之事無涉此軍不過欺奧人令其調度有誤然替羅之軍其用處甚大都靈相近處奧兵甚眾易擊敗蘭之一軍又能阻禦替羅之軍若奧軍擊敗蘭軍則拿破侖大軍無後勁蒙息尼嶺路較好於聖白那嶺路替羅之軍以礮隨行蘭之軍因聖白那嶺路難行初遇奧軍於罷而特尙未有礮故奧人輕視蘭之軍反用多兵抵禦替羅之軍  
拿破侖之軍在以勿留阿與提起那河之間甚是危險因

此時之糧道，祇有聖白那嶺一處。若密拉司辦成五月三十一日之主意，卽斷其後路。拿破侖已過提起那河，非惟有孟息之軍與之合兵，尙可用孟息從聖客叨來路爲退回之路。

設奧軍早合各兵以禦敵，則拿破侖未必能勝。但拿破侖料密拉司不肯棄熱那亞城，且不肯令愛而司納司之軍由法兒河退回而棄其地。又料密拉司從都靈或阿立山馱耶發令聚會各軍於波河邊，須延五六日。觀密拉司於五月三十一日實有聚會各軍之令，屋脫於六月初二日應得密拉司之令，如速引兵前進，可於初七日至孟脫別

羅因有投誠之事，不願聽令而行。遲至初九日，方至孟脫別羅。蘭之軍已於初七日過波河而至。司得拉突刺假使密拉司之令，早數小時，各將軍即聽令，則事尚可為。蘭之軍不能過波河，而奧人可從楷薩勒至皮挨稱薩一路防守波河。且以皮挨稱薩為退路。

拿破侖既至米蘭，知奧軍尚未聚會，即分軍為二。一軍在波河之南，一軍在波河之北，護運糧之道。此事可謂危險。因十二日，密拉司之軍聚會於阿立山馱耶，有三萬二千人。其礮與馬兵較精於法國。若密拉司之軍於十四日前往提起那河，必易過之。此處孟息守河之兵太少，不能擊

退大軍。密拉司過河之後，卽至米蘭。此時拿破侖在巴塞  
大河，不能知奧兵之所在也。

此處移兵之事，拿破侖應統其全軍至波河之南。若密拉  
司之軍前往米蘭，法軍於波河之南得一後路，其糧道卽  
在亞卑尼山之南。如此可與西賽合兵，且不戰而得波河  
南各地，已屬移兵之益處。然拿破侖總不肯讓奧軍得退  
回之路，故令孟息之軍守提起那河，但密拉司尙有一法  
可從阿立山，駛耶退至熱那亞城。此城甚大而堅，法軍不  
易破。又海口有英國水師船停泊，亦欲攻拿破侖。且奧軍  
旣至熱那亞，有亞卑尼山路，奧軍易守之。密拉司欲爲此



事而未行。拿破侖知熱那亞城已降，奧兵可從此退回。憂急之甚，卽於墨林哥攻奧人。此種辦法亦是危險。墨林哥平曠地，奧人馬兵礮兵多於法人，爲奧軍之利。且得賽前往立伐而太，又少一軍也。

設奧人擊敗法人於波河之北，或擊敗法人於墨林哥，卽斷聖白那嶺之糧道，必從聖客叨嶺退回。此處路狹，礮不能帶，必爲奧人所得。拿破侖祇一後路之時，卽爲危險之時。亦卽從以勿留阿前往米蘭之時，拿破侖蹈於險而卒出於險。苟非算無遺策，料敵如神，安能若是哉。

茲又以德意志移兵交戰之事，講明題理。

觀第七圖

一千八百五年奧人在得意志用防法待俄羅斯助之是役也奧全軍過巴威也拉國前往啞而姆用兵八萬四千人勿而地難大公爲主帥麥可爲大將軍屯兵於啞而姆以待俄羅斯之兵不論法兵之眾寡無有不及之虞奧兵旣屯啞而姆卽有多惱河邊之山谷凡法奧兩國在得意志交戰法人必至多惱河之山谷間

奧國之後路相連成一線北界愛格賴南界司大耶啞而姆城內之兵運糧大道有三一自奴倫白克向東在多惱河之北二順多惱河過拉的司奔三自奧格司白克過慕尼克

巴威也拉國都城

在多惱河之南

拿破侖之主意欲分隔奧軍不能與俄人通信可於俄人未至之前已滅奧軍九月二十六日令各軍自來因河起行其移兵之令如左

磨拉之馬軍與蘭之軍過黑林山嶺前往腦思達脫令奧將知法軍從此路進攻以誤之

蘭之又一軍自開兒過來因河前往斯都德牙爾奈而斯海姆

奈之軍近卡而痴路厄過來因河前往斯都德牙爾海登海姆

蘇兒之軍在司派而過來因河前往海而白倫厄而黃

恩

大和之軍在孟海姆過來因河前往奈卡兒厄兒斯阿  
庭恩

馬爾孟之軍在買安斯過來因河前往胡而斯白克愛  
希司達脫

白拿馱脫之軍自亞諾威前往胡而斯白克愛希司達  
脫

巴威也拉國之軍自巴威也拉前往胡而斯白克愛希  
司達脫

共計十八萬人

蘭奈蘇兒之三軍前有磨拉馬軍逐去奧國偵探之兵令其不知後有若干法軍且此馬兵護黑林山至啞而姆之路又護黑林山至斯都德牙爾與海登海姆之路

以上之事已成各軍前往多惱河其移兵之法如左

奈蘇兒蘭磨拉之軍并親軍爲右翼前往多惱浮脫

大和馬爾孟之軍爲中軍前往拿白克

白拿馱脫巴威也拉國之軍爲左翼前往因搥司

啞而姆至因搥司  
達脫七十七里

奧國之軍面向西聞法軍已近多惱河卽右旋向北左翼在啞而姆中軍在根司白克右翼在來恩

十月初六日軍事 蘇兒取多惱浮脫處過多惱河之橋  
初七日軍事 磨拉之軍自橋過多惱河自北至南逐去  
勒歇河邊奧兵過河前往來恩大和與馬爾孟之軍自拿  
白克過多惱河前往愛下

奧將基馬爾將右翼自來恩退回向愛下

初八日軍事 蘇兒之軍自多惱浮脫前往奧格司白克  
奈之軍在多惱河北岸前往的林恩磨拉與蘭之軍自多  
惱河南岸向西行至活來庭恩遇奧國前往接應右翼之  
軍擊敗之

奧將基馬兒見法兵多於奧兵卽退至以薩而河

初九日軍事 蘇兒之軍至奧格司白克馬爾孟之軍亦在奧格司白克大和之軍過愛下磨拉之軍至初買司好生

是日俄羅斯之軍已過林此此處離慕尼黑之東一百八十里

奧將麥可改其軍面右旋向東卽向其後路故右翼前往沒名恩中軍在根司白克與一勒而河之間左翼在啞而姆

是日法將白拿馱脫與大和之軍前往慕尼黑蘇兒之軍過蘭思白克前往沒名恩蘭磨拉馬爾孟拿破俞之軍在

多惱河南前往啞而姆

法將奈之軍在多惱河北拿破侖派兵四萬爲接應之軍令其辦以下四事一斷不威迷亞邦一切通路二護法軍通胡而斯白克之路恐啞而姆之奧軍斷此路也三前往啞而姆相近處封啞而姆通多惱河左邊之路四在多惱河邊移兵之時卽踞過多惱河之橋則多惱河南北之軍可通信息

拿破侖之意欲攻麥可之大軍令蘭奈磨拉之軍合爲一軍以磨拉爲上將軍其餘各軍自統之前往攻俄人磨拉不知拿破侖之意令奈引軍至多惱河之南奈不從令祇



派一分軍過多惱河而向南

觀第四圖

奧之各將軍會議軍事定計令勿而地難大公帶兵二萬五千前往海登海姆拿特林恩救回已斷之後路而開一運糧之道其餘奧兵麥可統之屯於啞而姆城中護勿而地難大公前往之路如勿而地難大公辦事已成麥可之軍離啞而姆向的羅爾邦遁回

勿而地難大公白啞而姆起行之日奈之一分軍已過多惱河而南又有一分軍離根司白克前往接應過河之分軍滴邦之軍屯於阿而白克十月十一日滴邦帶兵七千前往啞而姆遇奧兵與之戰奧兵陣亡者多滴邦因兵少

不能敵退回阿而白克從此處退至浪厄惱

十二日軍事 拿破侖在奧格司白克聞奈派軍至多惱河之南故出令如左

親軍前往根司白克

馬爾孟之軍前往一勒而河

蘭之軍屯兵於多惱河之南在愛而興恩之對岸

蘇兒之軍前往沒名恩

奧將軍麥可聞滴邦退兵派一軍逐之又派一分軍前往愛而興恩以防法軍由此處過多惱河阻禦勿而地難大  
公之軍

十三日軍事 蘇兒之軍至沒名恩擒奧軍右翼五千人  
奧之一分軍自啞而姆至沒名恩接應右翼因已不及故  
過恰姆吞遁至的羅爾邦

前一日前往愛而興恩之奧軍攻法軍逐之至多惱河之

南而焚其橋

愛而興恩至啞而姆七里

奈在多惱河之南聚會兩分軍預備回至多惱河之北蘭  
之軍受令助奈馬爾孟之軍受令至愛而興恩之對岸蘇  
兒受令至阿里斯台登封比白賴喝之路恐麥可從啞而  
姆遁至的羅爾邦也滴邦受令仍至阿而白克

十四日軍事 奈之軍在愛而興恩造一橋過河逐奧國

之軍遁回啞而姆城

十五日軍事 蘭與磨拉之軍自愛而興恩過橋至多惱河之北岸馬爾孟之軍前往一勒而河卽屯於蘭之屯兵處蘇兒從比白賴喝路進攻啞而姆城

前擊退滴邦之奧軍至奈而斯海姆滴邦與磨拉之軍已斷其後路卽降於法軍勿而地難大公之軍并馬兵三千人向奴倫白克路遁回

十九日軍事 啞而姆城中奧兵三萬人開門納降

論曰此處用兵之事拿破侖之後路亦成正角一邊爲孟河一邊爲來因河可攻奧軍之背與旁自胡而斯白克前

往各法軍其軍面與糧道成正角故後路甚穩自來因河  
前往之各軍雖軍面與糧道平行奧軍自啞而姆攻之可  
退至來因河與孟河所成之角內其法穩便假如奈之軍  
至斯都德牙爾各平恩海登海姆三處皆有通至胡而斯  
白克買安斯之路蘭之軍至斯都德牙爾生達福阿倫拿  
特林恩四處亦有通至胡而斯白克買安斯之路拿破侖  
不欲奧人知其軍從何處起行故令右翼自來因河上流  
進兵

奧國之軍面向北自啞而姆至來恩此時法軍尙在奧軍  
之旁改其軍面無益不能退回由此觀之拿破侖布置得

宜能斷奧人之後路也

拿破侖之主意已成卽有危險之事奧人知拿破侖斷拉的司奔運糧之大道可從奧格司白克慕尼克之路避法軍或從海登海姆奴倫白克之路前往斷法軍之糧道拿破侖欲免此危險故十月初九日卽右旋成軍面用此法奧人除基馬兒一軍外運糧之道皆不通然此事尙有可危從法軍之右翼至胡而斯白克賈安斯之路奧軍可斷之此處之戰事與波河之役相同卽拿破侖在墨林哥交戰之事也此次法兵多於奧兵分爲兩半在波河橫斷後路之時拿破侖之軍爲波河之故亦分爲兩半此次速向

啞而姆前往攻屯於城內之奧軍在波河時奧軍屯於阿  
立山馱耶城內拿破侖急欲攻之此次蘇兒所辦之事與  
得賽所辦之事相同卽防奧軍繞過法軍之左旁而遁也  
奈在多惱河所辦之事與孟息在波河所辦之事相同卽  
在法軍之右旁護運糧之道也孟河邊之後路同於聖客  
叨通瑞士國之後路自胡而斯白克前往之各軍同於孟  
息自瑞士國前往米蘭之軍此兩事同中有異何也波河  
之事替羅不能與拿破侖合兵多惱河之事法軍右翼可  
與拿破侖合兵故此次在多惱河邊斷奧軍之後路其危  
險較小於波河之役一拿破侖之兵多二往來之路好三

右翼可與大軍合兵。顧奧人在得意志之後路大於在民起河之後路。故移兵斷之。其路甚遠。拿破侖欲封多惱河之北。奧人一切運糧之道。故北邊之兵散開相離甚遠。設麥可前往阿而白克時。不派分軍而用全軍。必能衝過法軍。欲米呢評論此事云。此次法國移兵之法。實有危險。因奧人用全軍衝過法國之軍料及軍料車等。皆爲奧人之物也。

又以一千八百年。麻羅在得意志攻奧之事。講明題理。觀

四圖

此次用兵之事。本卷第五節已詳述其半。奧軍既退至啞



而姆井多惱河之北。法將麻羅試用數法移兵。意欲令奧將可來離啞而姆城。五月二十日。麻羅令右翼前往奧格司白克。令左翼與中軍隨退離啞而姆。向南行。可來知立歇旁司之軍屯於多惱河與一勒而河之間。護法軍通舍夫好生之糧道。故決意攻立歇旁司。然六月初五日之事不能擊敗立歇旁司之軍。故奧國之兵仍退至啞而姆。由是麻羅之軍前往多惱河。其運糧之道。有沒名恩至舍夫好生右翼。自奧格司白克前往不倫海姆。此翼離中軍太遠。尋常有斷後路之患。左翼爲麻羅最倚重之軍。可來屢引軍攻之。終無所濟。卽不用攻而用防。麻羅亦知奧軍

不能擊敗其左翼故右翼雖遠而無害

麻羅欲令可來之軍離啞而姆城故移其右翼過多惱河

而向北當定計時右翼在奧格司白克故令其自該處前

往多惱河至不倫海姆與賴分恩之間

啞而姆至不倫海姆三十五里

當是時法中軍屯於根司白克左翼守根司白克與啞而姆間之橋恐奧軍過河至南岸以攻法軍立歇旁司之軍在一勒而河與多惱河相會處護通至没名恩舍夫好生之糧道

奧將可來之全軍屯於啞而姆城內外惟司達留之軍守一切之橋自啞而姆起至多惱浮脫止防法軍過河斷奧

軍之後路也

六月十六日軍事 奧將司達留之大軍在賴分恩又有兩分軍在根得羅分恩與多惱浮脫

勒可兒帶法軍之右翼屯於不倫海姆之對岸

多惱河邊之橋至多惱浮脫止奧人皆毀壞其數環不令法軍過河

十八日軍事 法軍攻奧軍於的林恩奧軍擊卻之左翼攻奧軍於來潑海姆奧軍又卻之法軍雖於此兩處失利及能有益因司達留不知法軍實於何處進兵須處處設防兵力單弱也

法人探知不倫海姆與可來姆海姆兩處之橋易修故勒可兒定計於兩處過河

十九日軍事 法右翼之兩分軍在不倫海姆對岸樹林後藏身中軍前往多惱河勒可兒之軍在不倫海姆與可來姆海姆兩處放礮擊壞奧人之礮令其不能回擊并派善泗水之兵一隊過河又派兵數隊用木筏過河奪取可來姆海姆已得可來姆海姆即可護修橋工人略爲修整卽派步兵四營迅速過橋接應過河之兵且抵禦奧兵之來攻者當是時橋已修成馬兵與礮兵俱可行右翼之兵已過河奧兵三營由多惱浮脫進攻法軍擒之

不軍抄要三  
二四

是日司達留聚合三四千人於和黑司台脫

勒可兒過河之後派兵一羣前往多惱浮脫護他軍之後其餘之兵前往和黑司台脫逐司達留之軍至的林恩逾時又攻司達留之軍於的林恩逐之過不倫次河由是奧軍通拉的司奔之後路已斷矣

是日夜間麻羅將中軍過多惱河又令左翼於二十日平明自根司白克過河與中軍合兵設此處之奧兵甚多不能過河卽派兩分軍前往賴分恩對岸在此處過河又一分軍守通啞而姆之路且與立歇旁司通信息恐城中奧兵衝出斷法人之後路也立歇旁司之軍亦向右旋與他

軍無異欲斷奧人運糧之道也

可來屯兵一萬於啞而姆城以守之其餘之軍聚會於愛而興恩

二十日軍事 可來定計引軍向北繞過法軍之右翼故令帶大礮與軍料車等前往阿倫拿特林恩

是日麻羅出令如左

右翼勒可兒之軍自的林恩前往拿特林恩

中軍屯於不倫次河邊

左翼之兩分軍前往屋非恩過河此因本日平明時不能在根司白克過河左翼第三分軍屯於來潑海姆

立歇旁司之軍前往根司白克

麻羅並不料可來有繞過法軍右翼之計祇料可來於多惱河邊攻法軍

二十一日軍事 可來之軍前往海登海姆

法軍右翼至的興恩中軍在的興恩之東左翼在多惱河與不倫次河之間

二十二日軍事 可來之軍至奈而斯海姆奈而斯海姆至啞而姆三

十五里至的興恩三里

麻羅派偵探之兵至奈而斯海姆方知可來有退兵之事  
二十三日軍事 可來之軍前往拿特林恩

勒可兒之軍過奈而斯海姆。前往拿特林恩。在此處攻奧軍之後隊。

二十四日軍事。可來之軍屯於拿特林恩。夜間前往愛希司達脫。

二十五日軍事。麻羅之軍在可來之後。至浮而逆次河。二十六日軍事。可來從拿白克過多惱河。救回拉的司奔至維也納運糧之道。

論曰。法奧兩國在多惱河邊成軍。面皆與運糧之道平行。麻羅之右翼離大軍最遠。而用攻法。因奧軍屢攻其左翼。不能勝。既用防而不用攻。且麻羅知法奧兩國之軍面。雖



行軍抄要三  
三  
皆與糧道平行。尙是法軍爲便。凡軍面與糧道平行時。最  
危險者。爲敵軍攻其倚重之處。卽最近敵軍之翼此處旣穩。故麻  
羅不懼右翼之擊敗也。

麻羅用兵有膽略而不懼危險。明知奧將可來。決不再攻。  
法軍之左翼而斷其通舍夫好生之路。故除立歇旁司之  
軍并左翼一分軍外。法國各軍俱過多惱河。而通舍夫好  
生之路。不設重兵防守。

設可來欲從多惱河之南。向奧格司白克慕尼克之路退  
回。則立歇旁司與奈之兩分軍。可暫禦奧軍。待其餘之軍  
過河接應。如此兩國之軍面皆向其糧道。而彼此之後路

皆斷矣

麻羅移兵之法料可來前往的林恩衝過其各軍依此意而料理移兵之事麻羅之法甚妙各軍可互相救應也可來欲避去兩處交戰之事卽一在多惱河之南一在的林恩故從北邊繞過法軍之右翼設麻羅伸其右翼而至奈而斯海姆卽可阻禦繞過右翼之事然此法兵散而力弱奧兵易於衝過麻羅不敢爲之假令拿破侖當此事必欲爲之兩人之性情不同故辦法亦不同

可來之軍繞過法軍有一妙法派大礮軍料車等向阿倫前往此事之益處有二一海登海姆奈而斯海姆拿特林

行軍打要三  
恩之路無阻禦軍行之物二奧兵在奈而斯海姆之時護  
左旁之礮與車法人不能奪取之

總論本卷所述交戰之理 第七節

觀本卷所述之事可知斷敵軍之後路與本軍有何裨益  
又可知取敵軍之背不論何處無益此爲第一事然應細  
思取敵人之何處於我有益於敵有害也

凡兩軍移兵不在寬廣之處而彼此相近者如奧將拉得  
此起在奴罷刺交戰之事可易算與敵軍於某處相遇且  
可算應向某處前行與敵人交鋒而又斷敵之後路薩軍  
從肥幾滑納退兵奧將可預料與薩軍相遇於奴罷刺與

浮吃力之間

設我軍前往斷敵軍之後路而起兵之處離斷後路之處數百里不能預料與敵軍相遇於某處并斷其後路因此時敵軍可退回數十里而避其鋒

斷敵人後路之軍其前行之處離敵軍甚遠則必在寬大之處布散兵丁而封敵軍一切之糧道假如敵軍爲圓心各糧道爲半徑也凡某軍前往斷糧道之處離敵軍之背已遠必從斜路前往敵軍易斷其後路且斷敵人後路之軍必爲機密之事未至斷糧道處不便偵探軍情恐我之謀人被敵所擒而漏洩要事我軍旣不能偵探敵軍之信

必不知敵軍移兵之事故不能聚會我軍於某處與敵軍交鋒而又斷其糧道也且我軍斷敵之糧道該處之糧不至敵營敵人必知某處之後路已斷而我軍之所在亦必知之或移兵補救或聚集各軍攻我軍之間隙而衝過也美國南北交戰時南方將軍噶特於一千八百六十四年欲斷北方將軍舍爾門之糧道舍爾門自阿脫蘭脫起行前往若耳治邦海岸噶特斷其糧道在得納西離敵軍二百里無濟於事舍爾門之軍前行無阻噶特之軍欲斷舍爾門之糧道須離其軍不遠方能困敵耳

凡欲前往敵軍之背而斷其後路若事已成卽不可與敵

軍之背相距過於兩日之程且不可忘敵人能知我斷其後路而迅速退回又應知敵人已知斷後路之事而未卽退回究爲何故

凡某軍已至敵軍之背而斷其後路切不可待敵來攻必先行攻敵其故有二可探信息而知敵人移兵之法一也斷敵人後路之軍愈近敵軍則愈可集兵兵力強則敵軍不能衝過二也假如一千八百五年拿破侖在啞而姆斷奧將麥可之後路而近其城此時法將奈所帶右翼護通胡而斯白克之糧道然初時拿破侖在多惱浮脫過多惱河此右翼亦護通胡而斯白克之糧道又欲阻禦麥可退

回之軍此時法軍右翼應從多惱浮脫至拿特林恩護啞

而姆至奴倫白克之糧道多惱河兩岸之地愈寬法軍愈

應散布而護其各處之糧道

多惱浮脫至拿特林恩十八里

凡斷敵人一軍之後路而其他軍之後路未斷者即與已

斷後路之軍戰而他軍之未斷後路者不可攻之一千八

百十四年拿破侖不攻舍坡比阿祇攻莫米爾阿即此理

也

凡斷敵軍之後路敵必利於速戰故斷敵後路之軍其兵

不可少於敵兵兵少之軍攻敵人之背尚無妨害即如拿

破侖在西班牙引軍回國英將磨兒之兵少於拿破侖之

兵用一分軍追之。或可前往暫斷敵人之後路。而毀其軍料車與橋等。設此分軍無退路。卽與入虎穴無異。又如一千八百十三年。拿破侖在德勒斯達擊敗同盟各國之軍。拿破侖令紛達姆之軍。前往上愛而白河。在撒遜國南方之山。斷敵軍之退路。因法兵太少。退回之軍盡殲之。同盟國將軍胡來特斷拿破侖自來白七歇敗回之路。因其兵太少。拿破侖於哈那橫埽而卻之。由此觀之。凡兵少而斷敵軍之後路。必有一堅固之處。可禦敵人。以補兵丁之不足。或另有大軍攻敵軍之背。而逐之。或又有大軍攻敵軍之旁。方可斷敵之後路。不然。兵少之軍而斷敵之後路。乃



自蹈危機也

或以爲橫斷敵軍之後路如上言拿破侖之法其益處大於與敵兵糧道平行而移兵如拉得此起之法然橫斷敵軍之後路須散置兵丁而在寬闊之處敵人易集兵而衝之且橫斷後路而彼此皆受其弊則不能定其勝負若本軍面與敵之糧道平行而能護本軍之糧道則本軍已得便利若敵軍之後路已斷欲避交戰而求一未斷之糧道則本軍應先至其處而待之因我軍近而敵軍遠也卽如一千八百五年拿破侖若前往多惱河而不濟河卽可斷奧人之糧道於拉的司奔以後奧人欲從啞而姆逃歸卽

向奧格司白克慕尼克之路退軍法人可從因搃司達脫  
拿白克之路向南卽先至慕尼克之路也

慕尼克至啞而姆八十里至因

搃司達脫四十五里

觀上事卽知凡軍已至斷後路之處應從此路前往敵軍之處又移兵而令敵人之軍面與其糧道平行如此敵軍與我軍必有交戰之事而我軍便利敵軍敗則有覆亡之患我軍敗尙可退回設敵軍不戰而遁則我軍可得其地也

凡將軍遇勁敵而後路已斷此時切不可遲回審顧須早定主意第一事召集各軍若不聚會各軍而退回則兵力

不足易被敵擒。且軍面愈長則危險愈大。設我已聚會各軍而離敵尚遠。應速移兵丁。無論定何計策。或衝或避。必須用全軍之力。此爲要理。若散布各軍。卽與助敵無異。有膽略之將軍。前往斷敵人之後路。則兩軍之勢相平。此爲最妙之法。假如墨林哥之役。奧將密拉司引軍速向提起。那河則一千八百年六月十四日。可至米蘭。此時拿破侖尚在巴密大河。探密拉司之軍也。又如一千八百五年。奧將麥可用聚會全軍之法。前往奴倫白克。卽可救回拿破侖所斷之後路。凡敵軍斷我之後路。用法避其危險。雖亦失地。可不棄其全軍。

終

上海图书馆藏书



A541 212 0013 4670B

249452

~~81754~~